

四庫全書

經部

欽定四庫全書

經部

五禮通考卷二百六十一

詳校官侍郎_臣劉躍雲

給事中_臣溫常綬覆勘

總校官進士_臣繆琪

校對官中書_臣李奎

謄錄監生_臣任揖文

欽定四庫全書

五禮通考卷二百六十一

刑部尚書秦蕙田撰

凶禮十六

喪禮

儀禮既夕

鄭目錄云士喪禮之下篇也既已也謂先葬二日已夕哭時與葬間一日凡朝廟日請啟

期必容焉此諸侯之下士一廟其士二廟則既夕哭先葬前三日別錄名士喪禮下篇

既夕哭

注既已也謂出門哭止復外位時

請啟期告於賓

注將葬當遷柩於是乃請

啟肄之期於主人以告賓賓宜知其時也

張氏爾岐曰請啟期主人曰在明旦有司遂以告賓

蕙田案以上請啟期是葬前二日事

夙興設盥於祖廟門外

注祖王父也下士祖禰共廟疏此設盥亦在門外東方如大

也歛

盛氏世佐曰大夫士將出必先釋幣於禰故將葬亦朝焉所以達死者之志也兼朝祖者祖亦平生所建事也官師一廟據尊者而言故惟云祖其有二廟者則各於其廟朝之

陳鼎皆如殯東方之饌亦如之

注皆皆三鼎也如殯如大歛既殯之奠 俟

牀饌於階間

注僕之言尸也朝正柩用此牀至祖廟兩楹之間尸北首之時乃用此牀

疏謂柩

蕙田案以上陳朝祖奠

二燭俟於殯門外

注早闇

以為明也燭用

丈夫髮散帶

垂即位如初

注為將啟變也此互文以相見耳髮婦人之變喪服小記曰男子免而婦人髮男子

冠而婦人笄如初朝夕哭門外位疏髮是婦人之變則免是男子之變今丈夫見其人不見免則丈夫當免矣婦人見其髮不見人則婦人當髮矣故云互文以相見耳小歛之時斬衰男子括髮齊衰以下男子免啟殯之後雖斬衰亦免而無括髮

熊氏朋來曰小記男子免婦人髮自足為證既夕經文必亦如小記所言而有脫字註者妄謂互文適以

惑人也

盛氏世佐曰丈夫髻髮免婦人髻其制一也因男女異其名耳丈夫之髻髮免皆去冠婦人之髻不皆去笄上篇云婦人髻於室是時未成服去笄而髻以對丈夫髻髮免而言喪服經云布總箭笄髻衰三年笄髻並言則著笄亦復著髻矣此男女之別也丈夫而言髻者散父通也變免言髻者以是時斬衰者當髻髮齊衰以下乃著免言免不得兼髻髮言髻則得兼髻髮免也不言婦人者丈夫如此則婦人之變可知斬衰者麻髻齊衰以下皆布髻矣

蕙田案以喪服小記證之則丈夫以下當有脫字注疏以為互文亦曲解也盛氏之說與

注疏異附之以備一解未識果是否也

婦人不哭主人拜賓入即位袒

注此不蒙如初者以男子入門不哭也不哭者

將有事止

謹翼也

商祝免袒執功布入升自西階盡階不升堂聲三啟三

命哭

注功布厭治之布也執之以接神為有所拂仿也聲三三有聲存神也啟三三言啟告神也舊說以

為聲噫興也今文免作燭

入

注照徹與啟聲者疏一燭入室中照徹奠一燭於

堂照開

祝降與夏祝交于階下取銘置於重

注祝降者祝徹宿奠

降也與夏祝交事相接也夏祝取銘置於重為啟聲還之吉事交相左凶事交相右

疏此祝不言商夏則周

祝也燭入室時周祝從而入徹宿奠降降時夏祝自下
升取銘降至於重為妨啟殯故也周祝降階當近東夏
祝升階當近西
是交相右也
踊無算注主人也疏
商祝拂柩用功

布慙用夷衾

注拂去塵也慙覆之為其形露
夷衾於後無徹文當隨柩入壙矣

盛氏世佐曰此不見舉
殯者升之節亦文不具

蕙田案以上啟殯

遷於祖用軸

注遷徙也徙於祖朝祖廟也標弓曰殷朝
而殯於祖周朝而遂葬蓋象平生時將出

必辭尊者軸軼軸也軸狀如轉
長林穿棧前後著金乃闕軸馬大夫諸侯以上有四周
謂之輶天子
畫之以龍

黃氏幹曰：紫本經記有朝稱一節，禮畢乃適祖。今經文但言朝祖，注云上士祖，祫異廟；下士祖，祫共廟。專言祖者，共廟則舉祖以包祫，兼言祫者，異廟則先祫而後祖。經言下士記言上士，丈有詳畧，蓋互見耳。

重先奠從燭從柩從燭從主人從

注行之序也。主人從者，丈夫由右，婦人由

左以服之親疏為先後。各從其昭穆。男賓在前，女賓在後。疏柩前後有燭以柩車隔閭，故各有燭以照道。及至廟，燭在前者升，炤正柩；在後者在階下，炤升柩。

郝氏敬曰：奠即室中先

夕之奠，燭即前二燭。

蕙田案：奠者，昨日之夕奠，設於室中者也。以其從殯宮而來，故下注謂之從奠。重與奠皆

神之所馮依故啟殯遷祖之日以二者先柩

而行也

升自西階

注柩也猶用子道不由阼也

教氏繼公曰升自西階神之也凡柩歸自外而入廟者既小歛則升自阼階未忍異於生也既大歛則升自西階此亦入廟耳故其禮與大歛而入者同

奠俟於下東面北上

注俟正柩也

主人從升婦人升東面衆

主人東即位

注東方之位疏舉主婦東面主人西面可知唯主人主婦升衆主人從柩至西階

下遂鄉東階下即西面位

蕙田案衆主人東即位監本脫主字據張爾

岐本增入

正樞於兩楹間用夷牀

注兩楹間象鄉戶牖也是時樞北首疏戶牖之間賓客之位

亦是人君受臣子朝事之處父母神

之所在故於兩楹之間北面鄉之主人樞東西面置

重如初

注如賓宮時也疏亦如上篇三分庭一在南而置之

席升設於樞西奠

設如初中之升降自西階

注席設於樞之西直樞之西當西階也從奠設如初東面

也不統於樞神不西面也不設樞東東非神位也巾之者為禦當風塵疏賓宮朝夕奠設於室中者從樞而

來還據室中東面設之於席前也

楊氏復曰喪奠之禮有三變始死奠於尸東小飲奠亦如之既殯奠於奧設席東面朝夕奠朔月奠薦新奠亦如之啟殯入廟席設於柩西奠設如初如初者如室中之神席東面也朝祖奠亦如之降奠及祖奠遣奠皆如之但設於柩東為異

主人踊無算降拜賓即位踊襲主婦及親者由足西面

注設奠時婦人皆室戶西南面奠畢乃得東面親者西面堂上迫疏者可以居房中疏主人從殯宮中降拜賓入即位袒至此乃襲襲者先即位踊踊訖乃襲經於序東也設奠之時婦人辟之戶西南面待設奠訖乃由柩足鄉東西面不即鄉柩東西面者以主人在柩東待奠訖主人降拜賓婦人乃得東也

郝氏敬曰由足柩北首以南為足

蕙田案以上朝祖

薦車直東榮北軒

注薦進也進車者象生時將行陳駕也今時謂之魂車輶輶也車當東榮

東陳西上於中庭

疏以明旦將行故豫陳車此車非

載柩之車即記云薦乘車道車橐車也以此言之先陳

乘車次陳道

質明滅燭

注質正也

徹者升自阼階降自西階

車次陳橐車

注徹者辟新奠不設序西南已再設為

褻疏徹者徹去從奠以辟新奠也

乃奠如初升降

自西階

注為遷祖奠也奠升不由阼階柩北首辟其足疏如初者亦於柩西當階之上東面席前奠之

欽定義疏從奠即昨日之夕奠也此遷祖奠則本日之

朝奠矣惟於質明後不用燭耳徹從奠而後設遷祖

奠徹遷祖奠而後設祖奠祖奠則殷奠也凡設殷奠當夕則不夕奠當朝則不朝奠以日奠不過於二也朱子語類問朝祖時有遷祖奠恐在祖廟之前祖無奠而亡者難獨饗否曰不須如此理會禮說有奠處自合有無奠處自合無更何用疑

欽定義疏始死之後將葬柩行之前無頃刻離於奠者直以是為魂魄之馮焉若祖禰在廟而以喪奠干之是黷且不類也問者昧於吉凶之分非可與言禮者

故朱子以不答答之

主人要節而踊

注節升降疏奠升時主人踊降時婦人踊由重南主人踊此不言婦人丈不

具薦馬纓三就入門北面交轡圉人夾牽之

注駕車之馬每車二

足纓今馬鞅也就成也諸侯之臣飾纓以三色而三成此三色者蓋條絲也其著之如屬然天子之臣如其命數王之革路條纓圉人養馬者在左右曰夾既奠乃薦馬者為其踐污廟中也凡入門參分庭一在南疏此

三色如聘禮記三色朱白蒼也御者執策立于馬後哭成踊右還出

注主

人於是乃哭踊者薦車之禮成於薦馬疏主人哭踊訖馬則右還而出賓出主人送於門

外

觀成案喪禮主哀薦車薦馬時主人無不哭
踊之理故注以此哭成踊指主人言未嘗不
是但玩文義則上直云御者執策云云而下
文賓出始指明主人送則敖氏謂此哭踊乃
指御者言於文既順於理亦更周至蓋臨喪
當哀與其事者亦應有哭踊時至主人之哭
踊固不言可知爾

蕙田案以上薦車馬設遷祖奠

有司請祖期

注亦因在外位請之當以告賓每事畢輒出將行而飲酒曰祖祖始也

曰日

側

注側眈也謂將過中之時

張氏爾岐曰主人應有司之辭

主人入袒乃載踊無算卒束襲

注袒為戴變也乃舉柩卻下而載之束束棺於

柩車賓出遂匠納車於階間謂此車疏柩在堂北首今卻下以足鄉前下堂載於車也喪大記云君蓋用漆三衽三束檀弓曰棺束縮二橫三彼是棺束此云卒束則非棺束是載柩訖乃以物束棺使與柩車相待不動也

教氏繼父曰主人入袒當在阼階下既載則在柩束柩束之位亦當柩少北

降奠當前束

注下遷祖之奠也當前束猶當尸牖也亦在柩車西東有前後也疏未束以前其

奠使人執之待束訖

乃降奠之當束也

郝氏敬曰當柩車西之前

束柩北首奠當尸右肩也

商祝飾柩一池紐前經後緇齊三采無貝

注飾柩為設牆柳也巾奠

乃牆謂此也牆有布帷柳有布荒池者象宮室之承雷以竹為之狀如小車簦衣以青布一池縣於柳前士不掄絞紐所以聯帷荒前赤後黑因以為飾左右面各有前後齊居柳之中央若今小車蓋上黹矣以三采繒為之上朱中白下蒼著以絮元士以上有貝疏柩車即周禮屋車也四輪迫地兩畔豎輪子以帷繞之上以荒一池懸於前面荒之爪端荒上中央加齊喪大記注云在傍曰帷在上曰荒皆所以衣柳也則帷荒總名為柳

柳之言聚諸飾之所聚也對言之則惟為牆象宮室有
牆壁荒為柳以其荒有黼黻及齊三采諸色所聚故得
柳名總而言之中莫乃牆及檀弓云周人墻置翬皆牆
中兼有柳縫人云衣翬柳之材柳中兼墻矣喪大記君
三池大夫二池士一池君三面俱有大夫縣於兩相士
縣於柳前面而已士不揄絞者揄鷄也絞者倉黃之色
人君於倉皇色繒上又畫鷄雉之形縣於池下大夫士
則闕之齊若人之臍亦居身之中央也喪大記云士齊
三采一貝注云齊象車蓋縫合雜采為之形如瓜分
然綴貝落其上及旁彼為天子元士故有貝此諸侯之
士故無貝也

張氏爾岐曰飾框在旁為牆牆有帷在上為柳柳有
荒牆柳自其縛木為格者而言帷荒自其張於外者
而言池象承雷即檐也紐垂
於四隅齊者柳之頂結也

設披

注披絡柳棺上貫結於戴人居旁牽之以備傾虧喪大記曰士戴前纁後緇二披用纁

張氏爾岐曰以帛繫棺紐着柳骨謂之戴又以帛繫戴而出其餘於帷外使人牽之謂之披

屬引

注屬猶著也引所以引柩車在軸輶曰緋古者人引柩春秋傳曰坐引而哭之三疏引謂緋繩屬

著於柩車

欽定義疏棺飾曰柳蓋以杞柳為骨而外以布衣之柳

者以其質言牆者以其形言也池孔氏謂織竹為籠

蓋為長籠仰之類池也齊荒之頂也若今之轎頂然

束棺於柩車者曰束連繫棺束與柳材而結之者曰

戴貫結於戴而出之於外人居旁牽之者曰披車之
轅前後出橫縛於轅以屬引者曰輅以長繩屬輅之
兩端而人引之者曰引行道曰引在棺曰緋

蕙田案以上載樞飾柩車

陳明器於乘車之西

注明器藏器也檀弓曰其曰明器神明之也言神明者異於生器竹

不成用瓦不成味木不成斲琴瑟張而不平筭筮備而
不和有鍾磬而無筭簋陳器於乘車之西則重之北也
折橫覆之
注折猶廢也方鑿連木為之蓋如牀而縮者
三橫者五無筭室事畢加之壙上以承抗席

橫陳之者為苞筭以下紼於其北便也覆之見善面也
疏折加於壙時善者鄉下今陳之反善面鄉上也

抗木橫三縮二

注抗禦也所以禦止土者其橫與縮各足掩壙疏明器由羨道入壙口惟以

下棺大小容棺而已今抗木亦足掩壙口也

加抗席三

注席所以禦塵疏加者加於抗木之上

加茵用疏布緇翦有幅亦縮二橫二

注茵所以藉棺者翦淺也幅緣之亦

者亦抗木也及其用之木三在上茵二在下象天三合地二人藏其中焉疏以後陳者先用故先陳抗木於上次陳抗席而後陳茵及葬時茵先入壙寧事訖加折壙上則先用抗席後用抗木是其次也折於抗席前用而不加於抗席之上者以長大故別陳於南用之仍在茵後

張氏爾岐曰茵設壙中先布橫三乃布縮二厝柩後施抗壙上先用縮二乃用橫三注云木三在上茵二在下據既設後人所見而言也其實抗茵皆三者在外二者在內如渾天家地之上下周匝皆有天也

器西南上緒

注器目言之也陳明器以西行南端為上緒屈也不容則屈而反之茵注茵在抗

木上陳器次而北也疏茵非明器而苞二注所以裹

言之者陳器從此茵鄉北為次第故也

肉疏下文既設道奠而云苞牲取筭三黍稷麥注筭

下體故知苞二所以裹奠羊豕之肉

類也其容蓋與簋同一轂也疏筭以管甕三醯醢屑

草為之畚器所以盛種此筭與畚同類也

霽用疏布注甕瓦器其容亦蓋一轂屑薑桂無二醴酒

霽用功布注甕瓦器其容亦蓋一轂屑薑桂無二醴酒

皆木桁久之注桁所以廢苞筭甕

索塞其口注甕瓦器其容亦蓋一轂屑薑桂用器弓矢耒耜兩敦兩杆槃匱匱實於槃中

每器異桁注甕瓦器其容亦蓋一轂屑薑桂

南流注此皆常用之器也杆盛湯

槃槃匱匱器也流匱口也

五禮通考

十一

教氏繼公曰耒耜田器也此有爵矣乃以耒耜為用器為其有圭田故也圭田者主人所親耕以共祭祀

之齊盛

者也

無祭器

注士禮略也大夫以上兼用鬼器人器也疏明器鬼器也祭器人器也士禮略無祭器有明

器而實之大夫以上尊者備故兩有若兩有則實祭器不實明器

有燕樂器可也

注與賓客

燕飲用樂之器也

役器甲冑干竿

注此皆師役之器甲鎧冑兜鍪干楯竿矢箛

燕器

杖笠

注燕居安體之器也笠竹簾蓋也笠扇所以禦暑翼所以招涼皆燕居用

之

張氏爾岐曰載柩陳器

二事畢則日及側矣

蕙田案以上陳明器

徹奠巾席俟於西方主人要節而踊

注巾席俟於西方祖奠將用馬要節

者來象升丈夫踊去象降婦人踊徹者由明器北西面既徹由重南東不設於序西南者非宿奠也宿奠必設者為神馮依之久也

張氏爾岐曰此所徹遷祖之奠為將旋柩鄉外更設祖奠故遷之巾席即所徹奠之巾席俟者奠已東去而巾席猶執以俟也註象升象降者此奠在庭徹者無升降之事止有往來主人以其往來為踊節與徹室中之奠升階降階者同故云象也

袒

注為將袒變

商祝御柩

注亦執功布居前為還柩車為節

乃祖

注還柩鄉外為行始

疏旋樞車使轅鄉外也

踊襲少南當前東

注主人也

樞還則當前東南疏前袒為袒變

今既祖訖故踊而襲車未還之時當前東近北今還車則當前東少南

婦人降即位於階

間

注為樞將去有時也位東上

疏云位東上者以堂上時婦人在阼階西面統於堂下男子今樞車南還

男子亦在車東故婦人降亦東上統於男子也婦人不鄉車西者以車西有祖奠故辟之存車後

張氏爾岐曰婦人在車後南面故注云東上

祖還車不還器

注祖有行漸車亦宜鄉外也器之陳自巳南上

張氏爾岐曰車前所薦之乘車道車橐車也陳器本自南上不須更還也

祝取銘置於茵

注重不藏故於此移銘加於茵上疏初死為銘置於重啟殯祖廟皆然今將

行置於茵者重不藏擬埋於廟門左茵是
入壙之物銘亦入壙之物故置於茵也
二人還重左

還

注重與車馬還相反由便也
疏車馬在中庭之東

還鄉門

以右還鄉門為便重在門內面鄉北人在其南以左

為之奠也是之

為便

謂祖奠

疏祖奠既與遷祖奠同車西人皆

從車西來則此要節而踊一與遷祖奠同

楊氏復曰要節而踊者來從重北而西降由重南

而東來象升大夫踊出象降婦人踊所謂要節也

薦馬如初

注樞動車還宜新之也

賓出主人送有司請葬期

注亦因在

外位入復位

注主人也自死至於殯自啟至於葬主人及兄弟恒在內位
疏自死至於殯在內

位據在殯宮中自啟至於葬在內位據在祖廟中始死
未小歛以前位在尸東小歛後位在阼階下若自啟之

後在廟位亦

在阼階下也

張氏爾岐曰主人既以

葬期命有司而遂入

蕙田案以上祖奠

公賁元纁束馬兩

注公國君也賁所以助主人送葬也兩馬士制也春秋傳曰宋景曹卒魯

季康子使冉求賁之以馬曰其可以稱旌繁乎疏春

秋傳見哀公二十三年引之者證公有賁馬助人之事

擯者出請入告主人釋杖迎於廟門外不哭先入門右

北面及衆主人袒

注尊君命也衆主人自若西面

馬入設

注設於庭在重南

賓

奉幣由馬西當前輅北面致命

注賓使者幣元纁也輅轅縛所以屬引由馬西

則亦當前轅之西於是北面致命得鄉柩與奠柩車在階間少前三分庭之北轅有前後疏賓使者即士也轅者以木縛於柩車轅上以屬主人哭拜稽顙成踊賓引於上而挽之故名轅縛也

奠幣於棧左服出

注棧謂柩車也凡士車制無漆飾左服象授人授其右也服車箱

人哭拜仍於門右北面柩車四輪迫地無漆飾故言棧也此車南鄉以東為左尸在車上以東為右故奠左服象授人宰由主人之北舉幣以東

注柩東主人位以東藏之疏此時主人

仍在門東北面此位雖無主人既有定位宰不得履之故由其北也

士受馬以出

注此士謂胥徒

之長也有勇力者受馬聘禮曰皮馬相間可也

主人送於外門外拜襲入復位

杖

教氏繼公曰此亦為君命
袒故既送使者則襲於外

蕙田案以上公賵

賓賵者將命

注賓卿大夫士也

疏言將命

擯者出請

入告出告須

注不迎告曰孤某須

馬入設賓奉幣擯者先入賓從

致命如初

注初公使者

主人拜於位不踊

注輅車東位也既啟之後與在室同

疏始死時庶兄弟襚使人以將命于室主人拜於位此主人亦拜於位俱是不為賓出有君命亦出迎矣

賓奠幣如初舉幣受馬如初擯者出請

注賓出在外請之為其復有事

疏若無事賓報事畢送去也

若奠

注賓致可以奠也

疏所

入告出

以賓入將命如初士受羊如受馬

注士亦謂胥徒之長

教氏繼公曰如受馬如其受之以出也羊者士葬奠之上牲故此奠者用之奠不用幣

又請

注又復也

郝氏敬曰賓

又出擯又請

若賻

注賻之言補也助也貨財曰賻

入告主人出門左西面賓東面將

命

注主人出者賻主施於主人

主人拜賓坐委之宰由主人之北東

面舉之反位

注坐委之明主人哀感志不在受人物反位反主人之後位

疏宰位在主人之後

若無器則梧受之

注謂對相授不委地

又請賓告事畢拜送入

張氏爾岐

曰主人入

欽定義疏賵奠贈主人皆不出而獨為賻出蓋賻不施於死者則賓固不入至柩車之前致命也主人豈得不出廟門而受之乎或疑為輕禮而重財非也

贈者將命

注贈送

張氏爾岐曰謂以

幣若器送死者也

擯者出請納賓如初

注如其入告出告須

賓奠幣如初

注亦於棧左服

若

就器則坐奠於陳

注就猶善也贈無常惟翫好所有陳明器之陳

張氏爾岐曰謂乘車之

西陳明器之處所也

凡將禮必請而后拜送

注雖知事畢猶請君子不必人意

兄弟贈奠可

也

注兄弟有服親者可且贈且奠許其厚也贈奠於死生兩施

所知則贈而不奠

注

知通問相知也降於兄弟奠施於死者為多故不奠

知死者贈知生者賻

注各主於所知

盛氏世佐曰兄弟兼同姓異姓言也兄弟戚矣必贈

奠兼行於情始稱然容有貧而無以為禮者聖人不

責備焉經云可也者非許其厚乃所以恤其無也不

言賻與贈者所知且然兄弟可知也但其厚薄亦稱

家為之耳所知兼知死知生者言也許其賻者助喪

以賻為重也不許其奠者禮過其情君子惡其不誠

也既不奠矣而又許其賻若賻者所以伸其情也有

餘而好行其德聖人亦不禁也檀弓云朋友吾哭諸

寢門之外所知吾哭諸野則所知疏於朋友矣推朋友之情亦當贈奠並有而禮必稱其家之有無不可預定故空

其文也

書贈於方若九若七若五

注方板也書贈奠賻贈之人名與其物於板每板若九行

若七行若五行

書遣於策

注策簡也遣猶送也謂所當藏物茵以下疏聘禮記云百名以上書於

策不及百名書於方以賓客贈物名字少故書於方遣送死者明器之等并贈死者玩好之物名字多故書之於策乃代哭如初
注棺槨有時將去不忍絕聲也初謂既小斂時宵為燎於門內

之右

注為哭者為明疏門內之右門東也柩車東有主人階間有婦人故於門右照之

蕙田案以上賓贈奠賻贈自夙興設盥於祖

廟至此並葬前一日事

厥明陳鼎五於門外如初

注鼎五羊豕魚腊鮮獸各一鼎也士禮特牲三鼎盛葬奠

加一等用少牢也如初如大飲奠

其實羊左胖

注反吉祭也言

時疏亦如大飲陳鼎在廟門外

左胖者體不殊骨也疏特牲少牢吉祭皆升右胖此

用左胖故云反吉祭也體不殊骨者據脊脇已上膊脇

已下共

脾不升

注周貴肩賤脾

腸五胃五

注亦盛之也

疏少

至五亦是

離肺

注離揜疏揜離之不絕中央少許

豕亦如之豚解無腸

胃

注如之如羊左脾解不升離肺也豚解解之如解豚

亦前肩後肫脊脅而已無腸胃者君子不食涸腴

疏豚解總有七段今取左

胖則為四段與羊異也

五禮通考

十七

楊氏復曰士喪禮小歛陳一鼎於門外其實特豚四
鬐兩胎脊然則四鬐者殊左右肩髀而為四又兩胎
一脊而為七此所謂豚解也大斂朔月奠遣奠禮雖
寢盛豚解合升如初至虞然後豚解體解兼有焉

魚腊鮮獸皆如初

注鮮新殺者士腊用兔加鮮獸而無
膚者豕既豚解畧之疏腊鮮二者

皆用兔奠奠用少牢攝盛則當用膚與少牢同以
豕既豚解喪事略則無膚者亦畧之而加鮮獸也

蕙田案士喪遣奠用五鼎先王重葬禮使同

於大夫也大夫五鼎有膚無鮮獸此有鮮獸

無膚一則以喪祭不可同於吉祭一則以大

夫士尊卑不同微示區別之義也

東方之饌四豆脾析蟬醢葵菹臠

注脾析百葉也蟬

人注云脾析牛百葉此用

少牢無牛當是羊百葉

四邊棗糗栗脯

注糗以豆

張氏爾岐曰據疏引籩人注籩實有糗餌粉糗二物

此經云糗但糗餌也二物皆稻黍米粉所為合蒸則

為餌作餅熟之則為糗又糗與粉皆大豆末初搗之

則為粉熬之則為糗糗二物使不粘着也注云以豆

糗粉餌謂以豆之糗而粉此餌

也餌類今蒸糕糗類今胡餅

醴酒

注此東方之饌與祖奠同在主人之南當前路北

四豆四籩籩豆雖不同而同處耳云北上者

陳器

注明

蓋兩甒在北次南饌四豆豆南饌四籩也

夜飲藏之

疏至

滅燎執燭俠輅北面

注照徹與葬奠也

此厥明更陳之也

五禮通考

六

燭俠輅北面輅西者照徹

賓入者拜之

注明自啟至此主人無出禮

祖奠輅東者照葬奠之饌

疏所以不出迎者既啟之後既覩尸柩不可離位以迎賓惟有君命乃出也

教氏繼公曰

亦鄉而拜之

欽定義疏蓋隨其入之先後而拜之以葬日事繁期促

賓之執事於門外者必多不得一時畢入也

徹者入丈夫踊設於西北婦人踊

注猶阼階升時也亦既盥乃入入由重東

而主人踊猶其升也自重北西面而徹設于柩

徹者東

車西北亦猶序西南疏將設葬奠先徹祖奠

注由柩車北東適葬奠之饌疏以其徹訖當設葬奠故徹者由柩車北東適葬奠之饌取而設於柩車西也

鼎入

注舉入陳之也陳之蓋於重東北西面北上如初

乃奠豆南上綽籩羸醢

南北上綽

注籩羸醢南辟醴酒也

張氏爾岐曰先饌脾析於西南次北蟬醢蟬醢東葵菹菹南羸醢是謂南上綽籩於羸醢以南為次先設棗栗南設糗糗東設栗栗北設脯是謂北上綽籩之西脾析之南設醴酒故注云辟醴酒也

俎二以成南上不綽特鮮獸

注成猶併也不綽者魚在羊東腊在豕東疏於西

南設羊次北豕以魚設於羊東設腊於魚北還從南為始是不綽也鮮獸在北無偶故云特

張氏爾岐曰羊豕魚腊之次自南而北而東而南迴環設之為綽羊豕魚腊併設皆自南始為不綽

醴酒在籩西北上

注統於豆也

奠者出主人要節而踊

注亦以往

來為節奠由重北西既奠由重南東疏此奠饌在輅東言由重北者亦是由車前明器之北鄉柩車西設之設訖由柩車南而東者禮之常也

蕙田案以上遣奠此奠亦曰葬奠

甸人抗重出自道道左倚之

注還重不言甸人抗重言之者重既虞將埋之言其

官使守視之抗舉也出自道出從門中央也不由闌東西者重不反變於恒出入道左主人位今時有死者鑿木置食其中樹於道側由此疏

道左倚之者當倚於門東北壁

教氏繼公曰上篇言甸人置重於中庭於此又言甸人始終之辭也所以見其間凡有事於重者皆此甸人為之

欽定義疏雜記重既虞而埋之蓋既不隨至壙所又不
可留於廟中故於柩將行而因出之於外也

薦馬馬出自道車各從其馬駕於門外西面而俟南上

注南上便其行也行者乘車在前道橐序從 疏案下
記云乘車載殯道車載朝服橐車載簋笠是序從也

蕙田案以上出重與車馬

徹者入踊如初徹巾苞牲取下體

注苞者象既饗而歸
賓俎者也取下體者

脛骨象行又俎實之終始也士苞三个前脛折取臂肱
後脛折取髀亦得俎釋三个雜記曰父母而賓客之所
以為哀 疏肩臂肱在俎上端為俎實之始膊髀在俎
下端為俎實之終今取此兩端脛骨苞以歸父母也士

苞三个者自上之差檀弓云國君七个遣車七乘大夫五个遣車五乘遣車載所苞遣奠而藏之者大夫以上乃有遣車士無遣車則所苞者不載於車直持之而已云亦得俎釋三个者羊俎仍有肩肱而豕在俎豕左豚解今折取外仍有四段在俎相通計之為俎釋三个留之為分禱五祀也

張氏爾岐曰牲陳於俎其脰骨在兩端故脰骨為俎實之終始士一苞之中有三个牲體臂也臠也骼也前陳器云苞二羊豕各一苞也

不以魚腊

注非正牲也

蕙田案以上苞牲

行器

注目莽行明器在道之次

款氏繼公曰器謂折抗
席抗木行謂舉之以出

茵苞器序從

注如其陳之先後

車從

注次器

徹者出踊如初

注于是廟

中當行者
唯柩車

蕙田案以上行器

主人之史請讀誦執算從柩東當前東西面不命毋哭

哭者相止也唯主人主婦哭燭在右南面

注史北面請既而與執算

西面於主人之前讀書釋
算燭在右南面照書便也

讀書釋算則坐

注必釋算者榮其多疏

讀書者立讀之敬也釋
算者坐為釋之便也

卒命哭滅燭書與算執之以逆

出

注卒已也

郝氏敬曰執算者先出讀者從為逆出也

公史自西方東面命毋哭主人主婦皆不哭讀遣卒命

哭滅燭出

注公史君之典禮書者遣者入壙之物君使史來讀之成其得禮之正以終也燭使輅

張氏爾岐曰讀贈

讀遣皆以告死者

盛氏世佐曰讀贈釋算讀遣不釋算者以贈是賔物不出於一人故須一記之以多為榮遣是主人之物則但告數而已人子之心不自見其多也

蕙田案以上讀贈讀遣

商祝執功布以御柩執披

注居柩車之前若道有低仰傾虧則以布為抑揚左右之

節使引者執披者知之士執披八人疏葬時乘車故有柩車前引柩者及在傍執披者皆御治之使執披者

知其左右引者知其上下也

張氏爾岐曰引柩者執披者皆視商祝所執布以用力也

主人袒乃行踊無算

注袒為行變也乃行謂柩車行也凡從柩者先後左右如遷於祖之

序

疏上遷於祖時注云主人從者丈夫由右婦人由

左以服之親疎為先後各從其昭穆男賓在前女賓在

後此從柩向壙之序一如之也

出宮踊襲

注哀次次舍之處父母生時接賓之

所主人至此感而哀此次是以有踊踊訖即襲襲訖而行也

教氏繼公曰出宮而踊哀親之遂離其室也行路不宜袒故於此而襲

蕙田案以上柩行

至於邦門公使宰夫贈元纁束

注邦門城門也贈送也疏邦門國城北門也

至壙寔訖時贈用制幣元纁束以其君物故用之送終也

主人去杖不哭由左聽命

賓由右致命

注柩車前路之左右也當時止柩車疏在廟柩車南鄉左則在東此出國北門柩

車鄉北左則前路之西也

主人哭拜稽顙賓升實幣於蓋降主人拜

送復位杖乃行

注升柩車之前實其幣於柩蓋之柳中若親授之然復位反柩車後疏賓升

實幣於蓋載以之壙此贈專為死者故若親授之然云復位反柩車後者上在廟位在柩車東此行道故在柩

車後也

欽定義疏聘禮聘卿行舍於郊公使卿贈故公之使人
贈其臣亦以出國門為節也初喪既禭之矣又或視
其大歛矣既則贈之其柩行也又贈之於士如此則
大夫以上又加厚可知此堂廉不隔同休共戚之情
也

蕙田案以上公贈

至於壙陳器於道東西北上

注統於壙疏廟中南上此則北上故云統於壙也

茵先入

注當藉柩也元士則莖用軼軸加茵焉

屬引

注於是說戴除飾更屬引於絨耳疏棺

束有前後於束末皆為絨耳以綿貫結之而下棺

主人袒衆主人西面北上婦

人東面皆不哭

注使美道為位不哭者下棺宜靜疏

教氏繼公曰袒為室變也婦人亦北上皆不哭為有事不可喧譁也

乃室主人哭踊無算

注室下棺也疏主人哭踊不言處還於壙東西面也龍襲贈

用制幣元纁束拜稽顙踊如初

注丈八尺曰制二制合之束十制五合疏每

一端丈八尺二端為一匹五匹合為十制也

盛氏世佐曰此贈幣主人所自盡也故拜稽顙以送之不言公及賓所贈者榮君之賜公贈自當用之賓

贈則不必盡用蓋亦如庶禭之例也雜記云魯人之
贈也二元二纁禮弓云既窆主人贈而祝宿虞尸則
贈之出於主人明矣疏云即公所贈者
蓋見元纁束三字偶同故附會之耳

卒袒拜賓主婦亦拜賓即位拾踊三襲

注主婦拜賓拜女賓也即位反

位也疏卒謂贈卒更袒拜賓云反位者各反羨道東
西位其男賓在衆主人之南女賓在衆主婦之南也

賓出則拜送

注相問之賓也凡弔賓有五者案雜記云相趨舉中焉疏弔賓有五者案雜記云相趨

也出宮而退相揖也哀次而退相問也既封而退相見
也反哭而退朋友虞祔而退此經既葬而退是相見問

遺之藏器於旁加見

注器用器役器也見棺飾也更謂之見者加此則棺柩不復見矣先

言藏器乃云加見者器在見內也內之者明君子之於
事終不自逸也檀弓曰周人牆置嬰疏棺飾則惟荒

也加此則棺柩不復見故名為見也帷荒藏苞筭於旁

在柩外周人名為牆其外又置翬為飾

注於旁者在見外也不言簠簋饌相次可知四者兩兩而居喪大記曰棺槨之間君容祝大夫容壺士容甒

加折卻之加抗席覆之加抗木

注宜次也

張氏爾岐曰折陳之美面向上今用則美面向下故謂卻之注云宜次謂三者之用有宜有次也

實土三主人拜鄉人

注謝其勤勞疏勤勞謂在道助執紼在壙助下棺及實土也

即

位踊襲如初

注哀親之在斯疏既拜鄉人乃於羨道東即位踊無算如初也

蕙田案以上窆自是葬事畢

乃反哭入升自西階東面衆主人堂下東面北上

注西階東

面反諸其所作也反哭者於其祖廟不於阼階西面西
方神位疏檀弓云反哭於堂反諸其所作也注云親
所行禮之處是也反哭於祖廟者謂下士祖禩共廟若
適士二廟者反哭先於祖後於禩遂適殯宮也特牲少
牢皆布席於奧殯又在西階是西方神位主人非行
事直哭而已故就神位

教氏繼公曰反哭於祖廟者為其棺柩從此而出也
升自西階未變其鄉者升堂之路也升堂而不見故
但止於西階之上焉此亦變於尸柩在堂之位也

婦人入丈夫踊升自阼階

注辟主人也

主婦入於室踊出即

位及丈夫拾踊三

注入於室反諸其所養也出即位堂上西面也拾更也

疏檀弓云主婦

入於室反諸其所養也注云親所饋食之處哭也自小
歛已後主婦等位皆在阼階上西面是以知出即位者

阼階上西面也凡成踊而拾皆主人踊主婦踊賓乃踊故云更也

教氏繼公曰惟主婦入於室則餘人先即位於阼矣必入於室者以其生時於此其祭祀也入室又不見矣故出而與主人相向而哭踊同其哀也

賓弔者升自西階曰如之何主人拜稽顙

注賓弔者衆賓之長也反

而亡焉失之矣於是為甚故弔之弔者北面主人拜於位不北面拜賓東者以其亦主人位也疏主人拜賓於西階上東面位注云亦主人位者特牲少牢助祭之賓主人皆拜送於西階東面故此東面不移以其亦主人位也

張氏爾岐曰始死拜賓於西階此反而亡亦拜賓於西階將無同歟

賓降出主人送於門外拜稽顙

注此於雜記五賓當相見之賓

遂適殯

宮皆如啟位拾踊三

注啟位婦人入升堂丈夫即中庭之位疏此如啟位婦人亦即位

於堂東西面主人即位於堂下直東序西面直東序西面即中庭位也

兄弟出主人拜送

注兄弟小功以下也異門大功亦可以歸疏此兄弟等始死之時皆來臨喪殯訖各歸家朝夕哭則就殯所至葬開殯而來喪所至反哭亦各歸其家至虞卒哭祭還來預焉故喪服小記云總小功虞卒哭則皆免是也

教氏繼公曰賓出自廟兄弟出自殯宮親踈之殺

衆主人出門哭止闔門主人揖衆主人乃就次

注次倚廬也

蕙田案以上反哭是日即舉初虞之禮

猶朝夕哭不奠

注是日也以虞易奠

張氏爾岐曰經言葬後至練皆朝夕哭與未葬同但不奠耳大斂以來朝夕有奠葬後乃不奠也注言是日謂葬之日下注所云朝而葬日中而虞是也疏以為釋不奠之故尚未是

三虞

注虞喪祭名虞安也骨肉歸於土精氣無所不之孝子為其彷徨三祭以安之朝葬日中而虞不忍

離

張氏爾岐曰三虞謂葬日初虞再虞用柔日後虞用剛日共三祭也

卒哭

注卒哭三虞之後祭名始朝夕之間哀至則哭至此祭止也朝夕哭而已

張氏爾岐曰後虞之後又遇剛日舉此祭既祭則唯朝夕哭不無時哭故名其祭曰卒哭也

盛氏世佐曰自殯後未卒哭以前其朝夕也兄弟外兄弟賓皆與焉卒哭後小祥以前之朝夕哭則惟主人主婦哭於殯宮而已既祔仍哭於殯宮者以其主尚在寢也期而小祥則不朝夕哭矣然則卒哭云者卒兄弟外兄弟等之哭而喪家之哭固未卒也已

明日以其班祔

注班次也祔卒哭之明日祭名祔猶屬也祭昭穆之次而屬之

孔氏穎達曰卒哭明日而立主祔於廟隨其昭穆從祖父食卒哭主暫時祔廟畢更還殯宮至小祥作栗主入廟乃埋桑主於祖廟門左埋重處

欽定義疏此數事皆因既葬反哭而終言之

蕙田案以上略舉葬後儀節

記

教氏繼公曰此上下二篇之記也

士處適寢寢東首於北墉下

注將有疾乃寢於適室疏若不疾則在燕寢東首

鄉生氣之所

有疾疾者齊

注正情性也適寢者不齊不居其室

養者皆齊

注憂也

徹琴瑟

注去樂

欽定義疏士無故不去琴瑟今以疾故徹之疾愈則仍

設之也

疾病外內皆埽

注為有賓客來問也疾甚曰病

徹褻衣加新衣

注故衣垢汙為

來人穢惡之疏徹褻衣據死者而言徹褻衣謂故元
端加新衣謂更加新朝服案司服士之齊戒服元端比
疾者與養疾者皆齊明服元端矣檀弓云始死羔裘元
冠者易之而已羔裘元冠即朝服故知臨死所著則朝

服也

御者四人皆坐持體

注為不能自轉側御者今時侍從之人

男女改服

注為賓客來問病亦朝服主人深衣

屬纊以俟絕氣

注為其氣微難節也纊新絮

男子

不絕於婦人之手婦人不絕於男子之手

注備

乃行禱於

五祀

注盡孝子之情五祀博言之士二祀曰門曰行

朱子語類問禱果有應之之理否或知其無應之之

理而為之曰禱是正禮自合有應不可謂知其無是

理而姑為之

教氏繼公曰此禱於平常所祭者也士之得祭五祀於此可見

乃卒

注卒終也

主人啼兄弟哭

注哀有甚有否於是始去冠而笄纓服深衣檀弓曰始死

羔裘元冠者易之疏啼是哀之甚氣竭而息之聲不委曲若往而不反引檀弓者證深衣易去朝服之事也

設牀第當牖衽下莞上簟設枕

注病卒之間廢牀至是設之事相變衽卧席

遷尸

注徙於牖下也於是幬用斂衾徙於牖下者即上文牀第當牖者也疏

張氏爾岐曰此據經士死於適室幬用斂衾之文而記君子正終人子侍養之事

蕙田案以上記疾病始死之事

復者朝服左執領右執要招而左

注衣朝服服未可以變疏招魂所以求

生左陽陽主生故用左也左執領謂爵弁服也

張氏爾岐曰方冀其生故復者服朝服不變凶服

楔貌如輓上兩末

注事便也疏如輓謂如馬鞅輓馬領亦上兩末令以屈處入口取出時

易也綴足用燕几按在南御者坐持之

注按脰也尸南首几脰在南以拘足

則不得辟戾矣即牀而奠當牖用吉器若醴若酒無巾枲

注肩頭

也用吉器器未變也或卒無醴用新酒疏即就也謂就尸牀而設之尸南首則在牀東當尸肩頭也若醴若酒料有其一不得並用

蕙田案以上記復楔齒綴足設奠諸儀物

赴曰君之臣某死赴母妻長子則曰君之臣某之某死

注赴走告也

蕙田案此記赴君之辭

室中唯主人主婦坐兄弟有命夫命婦在焉亦坐

注別尊卑

也疏案大記士之喪主人父兄主婦姑姊妹皆坐鄭云士賤同宗尊卑皆坐此命夫命婦之外立而不坐者此謂有命夫命婦來兄弟為士者則立若無命夫命婦則同宗皆坐也

蕙田案此記室中哭位

尸在室有君命衆主人不出

注不二主疏衆主人不出在尸東耳經直云主人

惟君命出不言衆主人故記之

蕙田案此記衆主人

禭者委衣於牀不坐

注牀高由便

其禭於室戶西北面致命

注始死時也疏小斂後禭於堂則中庭北面致命

蕙田案此記禭者儀位

夏祝淅米差盛之

注差擇之

盛氏世佐曰必差之者擇其粒之堅好者以飯尸而以其餘為粥懸於重也

御者四人抗衾而浴禮第

注抗衾為其裸程蔽之也禮袒也袒簣去席盪水便其

母之喪則內御者浴髻無筭

注內御女御也無筭猶大夫之不冠也

設明

衣婦人則設中帶

注中帶若今之禪褌衣者男子其婦人則設中帶

疏設明

欽定義疏玩記意似謂男婦皆設明衣裳而婦人又多

中帶也

卒洗貝反於筭實貝柱右齧左齧

注象齒堅謂牙兩畔最長者

張氏爾岐曰

卒洗洗貝也

夏祝徹餘飯

注徹去鬻

張氏爾岐曰餘飯飯尸餘米也夏

祝徹去煮之為鬻以實重鬻也

瑱塞耳

注塞充室 疏不生人懸於耳旁

掘坎南順廣尺輪二尺深三

尺南其壤

注南順統於堂輪從也

徑用塊

注塊塼也

張氏爾岐曰坎以埋

弃潘者徑以煮潘者

明衣裳用幕布袂屬幅長下膝

注幕布帷幕之布升數未聞也屬幅不削幅也

長下膝又有裳於蔽下體深也

疏屬幅不削幅者布幅二尺二寸凡用布皆削去邊幅旁一寸為二寸計之

則此不削幅謂繚使相著還以袂二尺

二寸云長下膝者謂為此衣長至膝下

有前後裳不辟長及鰭

注不辟積也鰭足跗也凡他服短無見膚長無被土 疏裳前

三幅後四幅不辟積者以其緇緇注一染謂之緇今一服不動不假上狹下寬也緇緇注一染謂之緇今

日緇緇注七入為緇緇黑色也飾衣曰純謂設握緇緇注七入為緇緇黑色也飾衣曰純謂

裏親膚繫鉤中指結於擊注擊掌後節中也手無決者

貫反與其一端結之疏前經云設握據

右手有決者不言左手無決者故記之

盛氏世佐曰此設左握法也中指手第三指也右手

有決極先設而後設握則握之裏雖在內而不與膚

相親矣握繫與決繫連結

於擊則不必鉤中指矣

甸人築坵坎注築實土其中堅之

張氏爾岐曰築之

坵之皆甸人也

隸人湮廁

注隸人罪人也今之徒役作者也湮塞也為人復往褻之又亦鬼神不用

盛氏世

佐曰湮與飲通書云

飲乃寔傳訓為塞與此注合

既襲宵為燎於中庭

注宵夜

蕙田案以上記沐浴飯含襲諸儀節張爾岐

曰自記首至此並始死日事

厥明滅燎陳衣

注記節疏小飲陳衣當襲之明旦滅燎之時

凡絞紼用布倫

如朝服

注凡凡小飲大飲也倫比也疏如朝服者朝服十五升

教氏繼公曰紼不必言凡與絞連文爾大飲有紼小飲無之

設於東堂下南順齊於牀饌於其上兩甌醴酒酒在

南篚在東南順實角觶四木柶二素勺二豆在甌北二

以並籩亦如之

注於今之舉也角觶四木柶二素勺二為夕進醴酒兼饌之也勺二醴酒各一

也豆籩二以併則是大飲饌也記於此者明其他與小飲同陳疏大小飲之奠皆有醴酒但用二觶一柶而觶有四柶有二者朝夕二奠各饌其器也小飲一豆一籩大飲乃二豆二籩大飲陳籩豆之外皆與小飲同故就小飲節內陳之凡籩豆實具設皆巾之

注籩豆偶而為具具則於

取省文之義也

饌巾之巾之加飾也明

小飲一豆一籩不巾

張氏獨岐曰皆者皆東堂與奠所也二籩二豆者饌於東堂設於奠所二處皆巾之也小飲一籩一豆惟

至設於牀東乃巾之方
其饌堂東時則不巾矣

解俟時而酌柶覆加之面枋及錯建之

注時朝夕也檀弓曰朝奠日出

夕奠連日

張氏爾岐曰解雖豫陳必待奠時乃酌其酌醴之法既酌醴以柶覆於解上使柄向前及其錯於奠所則體中

小斂辟奠不出室

注未忍神遠之也辟襲奠以辟斂既斂則不出於室設於序西南畢事而

去之疏始死猶生事之不忍即為鬼神事之故奠不出室

無踊節

注其哀未可節也

教氏繼公曰踊節即所謂要節而踊者也凡丈夫婦人之踊或以徹奠者之往來為節嫌此辟奠之時亦

然故以明之

盛氏世佐曰始死之奠亦謂之襲奠者襲後仍設之也奠以事神是時尸在室若辟奠遠在室外則神無所依故不忍也辟奠之時主人以下皆踊無算故不以辟奠者之往來為節

既馮尸主人袒髻髮絞帶衆主人布帶

注衆主人齊衰以下疏知衆

主人非衆子者以衆子皆斬衰絞帶故知衆主人齊衰以下也

欽定義疏經云主人髻髮袒衆主人免於房記此者明著絞帶布帶在此時也絞帶者以苴麻之繩為帶其垂者則散之此時尚未絞也謂之絞帶指其束於要

者耳

大斂於阼

注未忍便離主人位也主人奉尸斂於棺則西階上賓之

大夫升自西階

階東北面東上

注視斂

既馮尸大夫逆降復位

注中庭西面位

疏

上篇朝夕哭云主人入堂下直東序西面卿大夫在其南卿大夫與主人同西面而向殯故知大夫位在中庭西

面也中奠執燭者滅燭出降自阼階由主人之北東

注巾奠而

已室事

蕙田案上記小斂大斂諸儀節

既殯主人說髦

注既殯置銘於殯復位時也今文說皆作祝兒生三月翦髮為髻男角女羈否

則男左女右長大猶為飾存之謂之髦所以順父母幼小之心至此尸柩不見喪無飾可以去之髦之形象未聞疏喪大記鄭注云士既殯說髦小斂說髦蓋諸侯禮士既殯諸侯小斂於死者俱三日也

三日絞垂

注成服日絞要經之散垂者

冠六升外緹纓條屬厭

注緹謂縫

著於武也外之者外其餘也纓條屬者通屈一條繩為武垂下為纓屬之冠厭伏也疏冠六升據斬衰而言

齊衰以下冠衰各有差降古者冠吉凶皆冠武別材武謂冠卷以冠前後皆縫著於武若吉冠則從武上鄉內縫之緹餘在內謂之內緹若凶冠從武下鄉外縫之緹餘在外謂之外緹吉冠纓武別材凶冠纓武同材以一繩從前額上以兩頭鄉項後交通至耳各綴之於武使鄉下纓結之先為纓武訖乃後以冠屬著武故云屬也冠在武下衰三升注衣與裳也履外納注納收餘也杖下本竹桐故云厭也

一也

性注順其也

蕙田案以上記三日成服

居倚廬

注倚木為廬在中門外東方北戶

寢苦枕塊

注苦編蒙塊塌也

不說經

帶

注哀戚不在於安

哭晝夜無時

注哀至則哭非必朝夕

非喪事不言

注不

忘所以為親

歎粥朝一溢米夕一溢米不食菜果

注不在於飽與滋味

粥糜也二十兩曰溢為米一升二十四分升之一實在木曰果在地曰蓀

蕙田案以上記居喪寢處哭泣言語飲食

主人乘惡車

注拜君命拜衆賓及有故行所乘也雜記曰端衰喪車皆無等然則此惡車王喪之

木車

白狗臂

注未成豪狗臂覆琴也以狗皮為之取其臙也白於喪飾宜

張氏爾岐曰玉藻君羔臂虎犢陳注云臂者覆式之皮此白狗臂亦是以狗皮覆車式

蒲蔽

注蔽藩疏謂車兩邊禦風者以蒲草亦無飾也

御以蒲蔽

注不在於驅馳蒲蔽牡蒲

也莖

張氏爾岐曰蒲蔽楊柳之堪為箭者御者以之策馬與為蔽之蒲同名而異類

犬服

注答問兵服以犬皮為之取堅也亦白

張氏爾岐曰服盛矢器注云兵服似注言五兵之服

木館

注取聲約綏約轡注以引升車

木鑣

注亦取聲

馬不齊

髦

注齊翦也今文髦為毛主人之惡車如王之木車則齊衰以下其乘素車纁車駟車漆車與疏索巾車

王之喪車五乘木車始死所乘素車卒哭所乘纁車既練所乘駟車大祥所乘漆車既禫所乘士之喪車亦當五乘主人乘惡車齊衰乘素車與卒哭同大功乘纁車與既練同小功乘駟車與大祥同緦麻乘漆車與既禫同主人至卒哭以後哀殺故齊衰以下節級約與主人同士尋常乘棧車不革鞅而漆之今既禫亦與王以下同乘漆車者禮窮則同也

欽定義疏據此則漆車在士為吉車在王則為第五等之喪車也喪車無等亦大概言之未必士遂能備五乘也

主婦之車亦如之疏布褌

注褌者車裳帷於蓋弓垂之疏布褌在亦如之之下

見不與

男子同

教氏繼公曰婦人之車必有褌喪車則以疏布為之主婦乘車而出者拜夫人之命及女賓之弔者也

貳車白狗攝服

注貳副也攝猶緣也狗皮緣服差飾疏兵服加白狗皮緣之其他皆

如乘車

注如所乘惡車唯白狗攝服為異疏

教氏繼公曰主人主婦皆有貳車各得用二乘此貳車亦惡車也

蕙田案以上記喪中之車馬

朔月童子執帚卻之左手奉之

注童子隸子弟若內豎寺人之屬執用左手卻

之示未用 疏下文掃
室聚諸突故不用箕

從徹者而入

注童子不
專禮事

張氏彌岐曰
徹徹宿奠者

比奠舉席埽室聚諸突布席如初卒奠埽者執帚垂末

內鬣從執燭者而東

注比猶
先也

欽定義疏童子從徹者入以既徹乃舉席而埽也既埽

無事矣俟卒奠乃出者從而入亦從而出不敢先出

且以觀奠也從執燭者而東亦降自阼階也童子蓋

以輕服子弟為之

蕙田案以上記朔月掃室

燕養饋羞湯沐之饌如他日

注燕養平常所用供養也饋朝夕食也羞四時之珍

異湯沐所以洗去污垢內則曰三日具沐五日具浴孝子不忍一日廢其事親之禮於下室日設之如生存也進徹之時如其頃

張氏爾岐曰朝夕之奠與朔月之奠設於殯宮燕養之饌設於下室下室燕寢也

朔月若薦新則不饋於下室

注以其殷奠有黍稷也下室如今之內堂正寢聽朝

事疏大小斂奠朝夕奠無黍稷唯下室有黍稷今此殷奠自有黍稷故不須更饋也

蕙田案以上記下室之饋

筮宅冢人物土

注物猶相也相其地可葬者乃營之

卜日吉告從於主婦

主婦哭婦人皆哭主婦升堂哭者皆止

注事畢

張氏爾岐曰經但言主婦哭不言衆婦人皆哭與哭止之節故記詳之

蕙田案以上記筮宅卜日自記首至此皆士

喪禮上篇之記也

啟之昕外內不哭

注將有事為其謹器既啟命哭

夷牀軼軸饌於西階

東

注明階間者位近西也夷牀饌於祖廟軼軸饌於殯宮其二廟者於禰亦饌軼軸焉

疏夷牀在祖廟軼

軸在殯宮以其西階東是同故並言之注云明階間者位近西也者以經直云階間恐正當兩階之間故記人

明之軼軸以候載柩其二廟者以先廟禰故至禰廟移柩升堂明旦移於軼軸上載以朝祖廟朝祖時下柩訖明日用蜃車軼軸不復用不饌之矣

蕙田案上記將啟之事

其二廟則饌於禰廟如小斂奠乃啟

注祖尊禰卑也士事祖禰上士異廟

下士共廟

張氏彌岐曰將啟先具此一鼎一豆一籩之奠於禰廟既啟朝禰徹從奠乃設之至明日朝祖則設奠如大斂於祖廟如經文所陳也

朝於禰廟重止於門外之西東面柩入升自西階正柩

於兩楹間奠止於西階之下東面北上主人升柩東西面衆主人東即位婦人從升東面奠升設於柩西升降自西階主人要節而踊注重不入者主於朝祖而行若過之矣門西東面待之便也疏正柩兩楹間奠位在戶牖之間則此於兩楹間亦稍近西乃當奠位也要節而踊者奠升主人踊設者降婦人也

張氏爾岐曰

奠謂從奠

燭先入者升堂東楹之南西面後入者西階東北面在

下注照正柩者先先柩者後後柩者適祖時燭亦然互記於此疏此燭本是殯宮中照開殯者在道時一

在柩前一在柩後今主人降即位徹乃奠升自西階主

人踊如初

注如其降拜賓至於要節而踊不薦車不從此行

張氏爾岐曰徹者徹從奠乃奠者奠其如小飲之饌也經文朝祖時正柩設從奠訖主人降拜賓以後有徹奠設奠哭踊之節此亦如之也

祝及執事舉奠巾席從而降柩從序如初適祖

注此謂朝禰明

日舉奠適祖之序也此祝執醴先酒脯醢俎從之巾席為後既正柩席升設設奠如初祝受中巾之凡喪自卒至殯自啟至葬主人之禮其變同則此日數亦同矣序從主人以下

姜氏兆錫曰朝禰禮與朝祖多同其異者惟重正門

外廟不設重樞不設夷牀奠亦不設巾三者為異耳
以此推之則朝禰後恐即當朝祖故三者不設也若
每一廟即停一日則三者當無不設之理而重止門
外露處越宿尤非孝子事亡如事存之義況送葬職
事親踈上下男女長幼之屬更非可信宿積時以須
之者哉

欽定義疏二廟則啟之日從奠設於禰廟徹從奠乃設
遷禰之奠此遷禰之奠即以當遷祖奠矣以日不三

奠故也及朝祖則禰奠從設於祖廟薦車薦馬等事
皆於祖廟行之至載柩還車則徹遷禰之奠設祖奠
次當然也饌於禰廟者一鼎饌於祖廟者三鼎亦隆
殺之宜也朝禰不再奠則即日朝祖可見矣

蕙田案以上記二廟者朝禰之儀

薦乘車鹿淺帟干竿革鞮載旌載皮弁服纓轡貝勒縣

於衡

注士乘棧車鹿淺鹿夏毛也帟覆竿玉藻曰士齊車鹿辟豹犢干盾也竿矢簞也鞮韠也旌旌旗之

屬通帛為旌孤卿之所建亦攝馬皮弁服者視朔之服貝勒貝飾勒有干無兵有簞無弓矢明不用疏此並

下車三乘謂葬之魂車

道車載朝服

注道車朝夕及燕出入之車朝服日視朝之服也元衣素

裳

疏士乘棧車更無別車而上云乘車下云橐車此云道車雖有一車所用各異故有乘車道車橐車之名

士之道車而用朝君之服不用私朝元端服者亦攝盛也

橐車載簑笠

注橐猶散也散車以田以

鄙之車簑笠備雨服凡道車橐車之纓轡及勒亦縣於衡也

教氏繼

公曰巾車職士乘棧車則此三車者皆漆車

也以制言之其乘車道車輪與輅之高下又等但因事名之耳考工記田車之輪六尺有三寸乘車之輪六尺有六寸又云國馬之輅深四尺有七寸田馬之

輅深四尺足以知其制矣

將載祝及執事舉奠戶西南面東上卒東前而降奠席

於樞西

注將於樞西
當前東設之

張氏爾岐曰載載樞於車卒東前而降謂舉奠者當
東樞於車將畢之前即降也奠席樞西為設奠先設

席也

巾奠乃牆

注牆飾樞也
疏即帷荒

抗木刊

注剝削之
者直削之有皮者剝乃
疏木無皮

削之茵著用茶實綏澤焉

注茶茅秀也綏廉薑也澤澤蘭
也皆取其香且御濕
疏茵內

所著非直用茶
兼實綏與澤

葦苞長三尺一編

注用便易也
草即長截取三尺一
疏葦

道編管筭三其實皆淪

注米麥皆湛之湯未知神之
所享不用食道所以為敬

張氏爾岐曰以管草為筭其
中所盛黍稷麥皆淹漬之

祖還車不易位

注為鄉外耳未行

張氏爾岐曰車乘車道車索車既祖則還之向外但不易初薦時位

執披者旁四人

注前後左右各二人一旁四人兩旁則八人也

凡贈幣無常

注賓之贈也玩好曰贈在所有糗之不煎故記人明之

凡糗不煎

注以膏煎之則褻非敬經葬奠四遠棗糗栗脯不云

蕙田案上記祖廟中薦車載柩陳器奠贈

諸事

唯君命止柩於壙其餘則否

注不敢留神也壙道也曾子問曰葬既引至於壙

車至道左北面立東上

注道左墓道東先至者在東
疏當是陳器之南以乘車道車

橐車三者次第為先

後先至者乘車也

柩至於壙歛服載之

注柩車至壙
祝說載除飾

乃歛乘車道車橐車之服載之不空之以歸送形而往
迎精而反亦禮之宜 疏柩車既空乃歛皮弁服朝服

簣笠三者之服

卒窆而歸不驅

注孝子往如墓反
如疑為親之在彼

載之於柩車

蕙田案上記柩在道至壙卒窆之事

君視歛若不待奠加盖而不視歛則加盖而至卒事

注為有他故及辟忌也

疏

卒事者待大歛奠訖乃出

張氏爾岐曰記君於臣有視歛不終禮
者有既歛加盖而後至者二者之節

蕙田案此記君視飲之變禮

既正柩賓出遂匠納車於階間

注遂匠遂人匠人也遂人主引徒役匠人主載

柩寔職相左右也車載柩車周禮謂之蜃車雜記謂之團或作輶或作搏聲讀皆相附耳未聞孰正其車之舉狀如牀中央有轅前後出設前後輅舉上有四周下則前後有軸以輶為輪許叔重說有輻曰輪無輻曰輶疏經不云納柩車時節故記人明之遂師注云蜃車柩路也四輪迫地而行有似於蜃因名焉舉狀與輶車同但輶車無輪有轉輶此有輶輪為異耳

敖氏繼公曰賓出而納此車於階間為主入送賓而入則當載矣

祝饌祖奠於主人之南當前輅北上巾之

注言饌於主人之南當前

輅則既祖
祝乃饌

張氏爾岐曰既還柩向外祝即饌祖奠於主人之南及還車還重俱訖乃奠之柩車西如初

蕙田案上記朝祖納柩車之節及設祖奠之處

弓矢之新沽功

注設之宜新沽示不用疏沽謂麤為之弓矢謂入墻用器舉弓矢以例餘者

有弭飾焉

注弓無緣者謂之弭弭以骨角為飾

亦張可也

注亦使可張

有秘

注秘

弓繫弛則縛之於弓裏備損傷以竹為之詩云竹秘緹縢

設依撻焉

注依縵絃也撻附側矢道也皆

以韋為之

疏依者謂以韋依縵其絃即今時

有鞬

注鞬

弓撻是也撻所以撻矢令出生時以骨為之

弓衣也以
縹布為之

欽定義疏有弭飾謂兩端有弭而亦以骨角飾之也撻
即今箭溜也以韋若骨大如錢嵌入弣側以別上下
射時在弓之右矢之上矢由此而去故名溜溜亦撻
之意也

時
候矢一乘骨鏃短衛

注
候猶候也候物而射之矢也四
矢曰乘骨鏃短衛亦示不用也生

時
五分箭長而羽其一

張氏爾岐曰衛矢羽也矢箭長三尺五分
羽一則六寸是生時之矢羽固不短矣

志矢一乘軒輶中亦短衛

注志猶擬也習射之矢書云若射之有志輶輶也無鏃短

衛亦示不用生時志矢骨鏃凡為矢前重後輕也

疏

司弓矢注云恒矢之屬軒輶中所謂志也知是習射矢

者以其矢中特輕於習射宜也周禮有八矢撥矢居前最重恒矢居後最輕既不盡用故取其首尾

張氏爾岐曰

鄭解輶輶也輶與輶同軒輶中謂前後

輕重均也

注凡為矢前重後輕亦欲明此軒輶中之

異於生用耳

蔥田案以上記明器弓矢自啟之昕以下至此皆既夕篇之記也

右儀禮既夕

五禮通考卷二百六十一

欽定四庫全書

經部

五禮通考卷二百六十二

詳校官侍郎臣劉躍雲

給事中臣溫常綬覆勘

總校官進士臣繆琪

校對官中書臣李奎

謄錄監生臣任揖文

欽定四庫全書

五禮通考卷二百六十二

刑部尚書秦蕙田撰

凶禮十七

喪禮

儀禮士虞禮

鄭目錄云虞安也士既葬其父母迎精而反日中而祭之于殯宮以安之虞于五禮

屬幽一疏虞卒哭

在寢祔乃在廟

士虞禮特豕饋食

注饋猶歸也喪祭又葬日虞因其吉日略無卜牲

疏卜日曰牲此虞為

之禮故指豕體而言不云牲大夫以上亦當然以物與神及人皆言饋

欽定義疏饋食吉祭之名以虞易奠為自凶即吉之始故放饋食之禮行之未葬殷奠用特豚豚解而已遣奠用羊豕亦豚解而已此云特豕者見此豕之為體解而異於奠也不云特牲者吉祭曰特牲宜避之也周官大宗伯以肆獻裸享先王以饋食享先王謂吉祭也鬯人廟用脩鄭氏以為三年喪畢之吉祭自饋食始不用裸鬯則天子諸侯之虞亦用饋食禮可知

側亨於廟門外之右東面

注側亨亨一胖也亨於饗用鑊不於門東未可以吉也是

日也以虞易奠祔而以吉祭易喪祭鬼神所在則曰廟尊言之疏案吉禮皆全左右胖皆亨此亨一胖者以其虞不致爵自獻賓以後則無主人主婦及賓已下之組故唯亨一胖也特牲吉禮鼎鑊皆在門東此云門外之右是門之西未可以吉也

張氏爾岐曰此虞在殯宮即適寢也而曰廟故注曰尊言之也

魚腊饗亞之北上

注饗竈疏魚腊各別鑊言北上則次在豕饗之南

敖氏繼公曰于特豕云亨云東面魚腊云饗云北上文互見也

張氏爾岐曰三鑊皆在西方

饔饔在東壁西面

注炊黍稷曰饔饔北上上齊于屋宇于虞有亨饔之饔彌吉疏案特牲

云主婦視饔饔于西堂下今在東亦反吉也小斂大斂未有黍稷朔月薦新始有黍稷向吉仍未有饔至此始有亨饔之饔

故云彌吉

盛氏世佐曰饔饔在門內以婦人主之故也此士禮大夫則廩人掌之在門外

設洗於西階西南水在洗西篚在東

注反吉也亦當西崇南北以堂深

疏吉時設洗皆當東崇

尊於室中北墉下當戶兩甔醴酒酒在東

無禁褻用絺布加勺南枋

注酒在東上醴也絺布葛屬疏吉禮玄酒在上今喪祭

禮無玄酒則醴在上

素几葦席在西序下

注有几始鬼神也疏大斂奠時已有席至虞

乃有几若天子諸侯始死則几筵具周禮
司几筵云每敷一几據始殯及塋時也

苴刈茅長五

寸束之實於筐饌於西牀上

注苴猶藉也

張氏爾歧曰刈度也截也苴刈茅者藉祭之刈茅也度而截之故謂刈茅

饌兩豆菹醢於西楹之東醢在西一鉶亞之

注醢在西南面取之

得左取菹右取醢便其設之 疏一鉶亞之菹以東也尸在東東面設者西面設于尸前菹在南醢在北今于兩楹東饌之菹在東醢在西是南面取之得左菹右醢至尸前西面設之便也 從獻豆兩亞之

四籩亞之北上

注豆從主人獻祝籩從主婦獻尸祝北上菹與棗不東陳別于正 疏此從獻

豆籩雖文承一鉶之下而云亞之下別云北上是從鉶東為次宜于鉶東北以北為上向南陳之然則東北

菹為首次南醢醢東栗栗北棗棗東栗棗南栗故鄭云
北上菹與棗也云不東陳別于正者以二豆與鉶在尸
為獻前為正此皆在獻
後為非正故東北別也 饌黍稷二敦於階間西上藉用

葦席

注藉猶薦也

敖氏繼公曰藉敦未必有席席字
蓋因上文而衍也特牲禮藉用萑

匱水錯於槃中南流在西階之南簞布在其東

注流匱吐水口

也

敖氏繼公曰自設洗至此其陳設之
位與特牲饋食異者皆為變于吉

陳三鼎於門外之右北面北上設扃寓

注門外之右門西也匕俎

在西塾之西

注不饌于塾上統于鼎也塾有西者是室南鄉

羞燔俎在內西塾

上南順

注南順于南面取縮執之便也肝俎在燔東

郝氏敬曰羞俎之俎非正俎三鼎為正從薦為羞肉曰燔肝曰炙不言炙可知也

蕙田案以上陳饌具

主人及兄弟如葬服賓執事者如弔服皆即位於門外

如朝夕臨位婦人及內兄弟服即位於堂亦如之

注葬服者

既夕曰丈夫髻散帶垂也賓執事者賓客來執事也

疏始虞與葬服同三虞皆同至卒哭乃變麻服葛也賓客來執事以其虞為喪祭主人未執事案魯

子問士則朋友奠不足則取于大功以下

教氏繼公曰婦人及內兄弟其服皆如葬服其位皆如臨位婦人葬服經無所見蓋與既殯之服同

祝免澡葛經帶布席於室中東面右几降出及宗人即

位於門西東面南上

注祝亦執事免者祭祀之禮祝所親也澡治也治葛以為首經及帶

接神宜變也然則士之屬官為其長弔服加麻矣至于既卒哭主人變服則除右几于席近南也

張氏爾岐曰祝執事而免者以其身親祭祀之禮不嫌于重也

宗人告有司具遂請拜賓如臨入門哭婦人哭

注臨朝夕哭

主人即位於堂衆主人及兄弟賓即位於西方如反哭

位

注既夕曰乃反哭入門升自西階東面衆主人堂下東面北上異于朝夕

敖氏繼公曰反哭之位乃順孝子一時之心而為之本非正位自始虞至卒哭其位皆如之者蓋因此以別于既祔以後吉祭也

祝入門左北面

注不與執事同位接神尊也 疏上兄弟賓即位于西方者皆是執事

宗

人西階前北面

注當詔主人及賓之事 疏宗人在堂下是主人在堂時若主人在室則宗人

升戶外北面

蕙田案以上主人及賓入即位

祝盥升取苴降洗之升入設於几東席上東縮降洗解

升止哭

注縮從也

郝氏敬曰祝盥手于西階下槃內升堂取苴茅于西
坵上降洗于西階下復升堂入室設于几東神席上
東縮席向東茅順東西直布苴以藉祭
佐食祭黍稷豕膚醴皆奠苴上故先設

主人倚杖入祝從在左西面

注主人北旋倚杖西序乃入喪服小記曰虞杖不入

於室附杖不升於堂然則練杖不入於門明矣

贊薦菹醢醢在北

注主婦不薦齊斬之服不

執事也魯子問曰士祭不足則取于兄弟大功以下者
疏齊斬不執事唯為令時至于尸入之後亦執事兩
簋棗栗設于會南至于附祭雖陰厭亦主婦薦主人自執事也

佐食及執事盥出舉長

在左

注舉舉鼎也長在左在西方位也凡事宗人詔之

鼎入設於西階前東面

北上匕俎從設左人抽扃鼎匕佐食及右人載

注載載于俎佐

食載則亦在右矣

卒杞者逆退復位

注復賓位也

俎入設於豆東魚

亞之腊特

注亞次也

贊設二敦於俎南黍其東稷

注簋實尊黍也疏

西黍東稷西上故云尊黍經言敦注言簋者敦有虞氏之器周制士用之同姓之士容得從周制用簋設

一鉶於豆南

注鉶菜羹也

佐食出立於戶西

注饌已也

敖氏繼公曰既設俎則出而立于此矣後言之亦終上事乃及之也

贊者徹鼎

注反于門外

敖氏繼公曰此徹鼎亦當與設俎相屬為之言于此者與上文之意同

祝酌醴命佐食啟會佐食許諾啟會卻於敦南復位

注會

合也謂敷蓋也復

位出立于戶西

張氏爾岐曰特牲少牢有酒無醴故厭亦用酒此酒醴兼設以醴陰厭以酒醕尸亦其異于吉祭也

祝奠解於鉶南復位

注復位復主人之左

主人再拜稽首祝饗

注饗

告神饗也饗神辭記所謂哀子某哀顯相夙興夜處不寧下至適爾皇祖某甫饗是也

疏鄭注云饗辭勸強

尸之辭也凡吉祭饗尸曰孝子則宜曰孝孫某圭為孝薦之饗是也

敖氏繼公曰饗辭即記所云哀子某圭為而哀薦之饗者也

命佐食祭

注此祭祭于苴也

佐食許諾鉤袒取黍稷祭於苴三

取膚祭祭如初祝取奠解祭亦如之不盡益反奠之主

人再拜稽首

注鉤袒如今擗衣也苴所以藉祭也孝子始將納尸以事其親為神疑于其位設苴

以定之耳或曰苴主道也則特牲少牢當有主象而無可乎

疏特牲少牢吉祭無苴案司巫云祭祀則共匱

主及菹館常祀亦有苴者以天子諸侯禮備故吉祭亦有苴凶祭有苴可知

祝祝卒主人拜

如初哭出復位

注祝祝者釋孝子祭辭

疏迎尸上釋

孝子辭同但

稱哀為異

敖氏繼公曰祝祝之辭則記所謂哀子某哀顯相夙興夜處不寧下至適爾皇祖某甫者也

觀承案上條鄭注引記饗神詞誤當移於此

條祝祝卒之下則上文祝饗詞當如敖氏引

記所云哀子某主為而哀薦之饗十字以注之為是也

蕙田案以上設饌饗神是為陰厭

祝迎尸一人衰經奉篚哭從尸

注尸主也孝子之祭不見親之形象心無所繫

立尸而主意焉一人主人兄弟檀弓曰既封主人贈而祝宿虞尸

尸入門丈夫踊婦人

踊注踊不同文者有先後也尸入主人不降者喪事主哀不主敬

疏主人在西序東面衆兄弟西階下亦

東面婦人堂上當東序西面見尸有先後故踊有先後

淳尸盥宗人授巾

注淳沃也沃尸

盥者賓執事者也

尸及階祝延尸

注延進也告之以升

尸升宗人詔踊如

初注言詔踊如初則凡踊宗人詔之尸入戶踊如初哭止注哭止尊尸婦人

入於房注辟執事者

蕙田案以上迎尸

主人及祝拜妥尸尸拜遂坐注妥安坐也

敖氏繼公曰此皆變于吉祭也士之吉祭尸既坐主人乃拜妥尸祝不拜

從者錯篚於尸左席上立於其北注北席北也疏此篚象特牲所俎置于

席北以擬盛尸之饌

郝氏敬曰從者即一人裛經奉篚者也

尸取奠左執之取菹孺於醢祭於豆間祝命佐食墮祭

注下祭曰墮墮之猶言墮下也周禮曰既祭則藏其墮謂此也今文墮為緩特牲少牢或為羞失古正矣齊魯

之間謂

祭為墮

張氏爾岐曰尸取奠取祝所反奠于銅南之解也左執之者以右手將祭也下祭曰墮謂從俎豆上取下當祭之物以授尸使之祭佐食但下之而已疏以為向下祭之誤

佐食取黍稷肺祭授尸尸祭之祭奠祝祝主人拜如初

尸嘗醴奠之

注如初亦祝祝卒乃再拜稽首疏其祝辭即下記云哀子某主為而哀薦之饗

盛氏世佐曰此祝辭疏以下記所云饗辭當之敖氏既以饗辭用之陰厭而于此則不言其所用竊意所

釋之辭蓋與上同一辭而再釋之者事神之道于彼乎于此乎庶幾其一聞之也

蕙田案虞祭三次祝辭注與諸家說各不同

未審誰是

佐食舉肺脊授尸尸受振祭齊之左手執之

注右手將有事也尸

食之時亦奠肺脊于豆疏案特牲祝命邇敦佐食邇黍稷于席上舉肺脊授尸彼舉肺脊在邇敦後此舉肺脊在邇敦前者吉凶相變故也右
手將有事為下文祭鉶嘗鉶是也

張氏爾歧曰此肺脊至尸卒食佐食方受之實于篚中間食時亦須奠之于豆

祝命佐食邇敦佐食舉黍錯於席上

注邇近也

尸祭鉶嘗鉶

注右手也少牢曰以柶祭
羊鉶遂以祭豕鉶嘗羊鉶

張氏爾岐曰此但豕
鉶祭之嘗之亦用柶

泰羹清自門入設於鉶南載四豆設於左

注博異味也
清肉汁也載

切肉
也

張氏爾岐曰鉶南解北初設時留空
處以待泰羹載設于左正豆之北也

欽定義疏菜羹鉶之正泰羹其加也菹醢二豆豆之正

載四豆其加也有正有加祭禮也泰羹清自門入饗

在門外新自饗來欲其熱也設於左不言所上四豆

一物也

尸飯播餘於筐

注不反餘也古者飯用手吉時播餘于會

三飯佐食舉幹尸

受振祭齊之實於筐

注飯間啗肉安食氣疏幹齊也

又三飯舉脰祭

如初佐食舉魚腊實於筐

注尸不受魚腊以喪不備味

又三飯舉肩

祭如初

注後舉肩者貴要成也周人貴肩故云貴者要成也

舉魚腊俎俎釋三

个

注釋猶遺也遺之者君子不盡人之歡不竭人之忠个猶枚也今俗或名枚曰個音相近此腊亦七體如

其牲也

疏俎釋三个不言牲體者下記云羹飪升左

肩臂臠肫脰脊脇七體此佐食初舉脊次舉幹又舉脰

終舉肩總舉四體唯有臂臠肫三者佐

食即當俎釋三个故直舉魚腊而已

張氏爾岐曰牲七體魚腊各七佐食所舉以授尸者皆盛于簠所餘每俎三个將以改饌于西北隅也

尸卒食佐食受肺脊實於簠反黍如初設

注九飯而已士禮也簠猶

吉祭之有所俎 疏少牢大夫禮十一飯諸侯十三飯天子十五飯故云九飯士禮也吉祭尸舉牲體振祭齊之皆加于所俎此尸舉牲體振祭齊之皆實于簠故云猶所俎也

蕙田案以上饗尸尸九飯

主人洗廢爵酌酒酹尸尸拜受爵主人北面答拜尸祭

酒嘗之

注爵無足曰廢爵酹安食也主人北面以酹酢變吉也凡異者皆變吉 疏特牲少牢尸拜受

主人西面拜送與北面相反

賓長以肝從實於俎縮右鹽

注縮從也從實肝炙

於俎也喪祭進抵右鹽于俎近北便尸取之也縮執俎
言右鹽則肝鹽併也疏抵本也謂肝之本頭云右鹽
于俎近北者據執俎之人左畔有肝右畔有鹽西面向
尸尸東面以右手取肝于俎之右畔而擣鹽于左畔故
云便尸取之

尸左執爵右取肝擣鹽振祭齊之加於俎賓降反俎於

西塾復位

注取肝右手也加于俎從其牲體也以喪不志于味

張氏爾歧曰加于俎盛牲體之俎賓所反則肝俎也復位復西階前衆兄弟之南東面位

尸卒爵祝受不相爵主人拜尸答拜

注不相爵喪祭於禮畧相爵者特牲

曰送爵皇

尸卒爵

蕙田案以上主人醑尸

祝酌授尸尸以醑主人主人拜受爵尸答拜注醑報主人

坐祭卒爵拜尸答拜

楊氏復曰尸醑主人亦北面拜受坐祭

卒爵及主人獻祝之時乃反西面位

敖氏繼公曰尸無降席之禮故祝為酌之酢不洗爵尸禮也孝子于是時乃飲而卒爵者為尊者之賜也

蕙田案以上尸醑主人醑與酢同古文通用

楊氏復曰奠之所尚者在於醴前饗神之時祝酌醴

奠解于鉶南及尸既坐取所奠左手執之以右手祭

菹祭黍稷肺乃祭奠于是祝祝主人再拜稽首而後尸嘗醴而奠之此是第一節牲之所重者在肺脊肺者氣之主也脊者體之正也故尸又先舉肺脊祭而齊之又以左手執之乃以右手祭鉶而嘗之祝命邇黍敦錯於席上為尸之將飯也黍羹滫𩚑四豆至是新設之於俎豆之間以博異味也於是三飯舉幹祭而齊之實於筐又三飯舉脰祭而齊之實於筐又三飯舉肩祭而齊之實於筐魚腊與豕為三鼎今所舉

皆豕而魚腊則不食焉唯佐食舉之以實於篚以喪
不備味也尸卒食佐食乃受尸左手所執肺脊實于
篚主人乃酌廢爵酒以醕尸賓長以肝從而獻禮成
矣於是祝酌授尸尸以醋主人而主人獻尸之禮畢
矣

筵祝南面

注祝接神尊也筵用萑席

主人獻祝祝拜坐受爵主人答

拜

注獻祝因反西面位

薦菹醢設俎祝左執爵祭薦奠爵興取肺

坐祭臠之興加於俎祭酒嘗之肝從祝取肝桴鹽振祭

嘑之加於俎卒爵拜主人答拜祝坐授主人

疏薦設皆執事者

敖氏繼公曰祝與佐食皆事尸者也故于酌尸獻尸之後獻焉不洗而獻者下尸也祭薦亦右手以道擣醢祭于豆間也先奠爵乃取肺以祭離肺用二手也祭不言絕文省以肝從亦賓長也授主人下宜脫一

爵字

張氏爾岐曰授主人者虛爵也

蕙田案以上主人獻祝

主人酌獻佐食佐食北面拜坐受爵主人答拜佐食祭酒卒爵拜主人答拜受爵出實於籩升堂復位

注籩在庭不復

入事已也亦因取杖乃東面立疏上文哭時主人升堂西序東面今升堂復位不復入室因得取杖復東面也位

欽定義疏佐食不設席薦俎設於階間而不在室又無從佐食卑也吉祭亦然

蕙田案以上主人獻佐食

主婦洗足爵於房中酌亞獻尸如主人儀

注爵有足輕者飾也昏禮

曰內洗在北堂直室東隅疏如主人儀如上文主人酌尸之儀也

自反兩蕙棗栗設于

會南棗在西

注尚棗棗美

李氏如圭曰自反者自往取之而反也此兩
籩及下獻祝籩即上饌時亞豆東四籩也

尸祭籩祭酒如初賓以燔從如初尸祭燔卒爵如初注初

主人
儀

欽定義疏尸不酢主婦喪祭禮殺也

酌獻祝籩燔從獻佐食皆如初以虛爵入于房

蕙田案以上主婦亞獻

賓長洗纒爵三獻燔從如初儀

注纒爵口足之間有篆又彌飾

張氏爾岐曰當亦
兼獻祝及佐食

蕙田案以上賓長三獻

婦人復位

注復堂上西面位事已尸將出當哭踊

欽定義疏尸將出而哭踊其節與尸入同也故復堂上

位以俟之吉祭無堂上位喪祭有之為哭踊也

祝出戶西面告利成主人哭

注西面告告主人也利猶養也成畢也言養禮畢也

不言養禮畢

皆哭

注丈夫婦人于主人哭斯哭矣

祝入尸

謾注祝入而無事尸則

于尸間嫌

知起矣不告尸者

從者奉篚哭如初

注初哭從尸

祝前尸出

無違尊者之道也

戶踊如初降堂踊如初出門亦如之

注前道也如初者出如入降如升三

者之節
悲哀同

蕙田案以上祝告利成尸出

祝反入徹設於西北隅如其設也几在南扉用席

注改設饌

者不知鬼神之節改設之庶幾歆饗所以為厭飫也几在南變右文明東面不南面漸也扉隱也于扉隱之處從其幽闇疏祝送尸出門而反入徹神前之饌改設于西北隅也其設于西北隅次第一如與中東面設上文陰厭時右几今云几在南明其同必變文者少牢大夫禮陽厭時南面亦几在南此言右几嫌與大夫同故云明東面也特牲改饌几在南與此同示向吉有漸故與吉祭同扉用席以席為障使之隱也

熊氏朋來曰陰厭于室之奧陽厭于室之屋漏陰厭未迎尸陽厭尸已謏故二厭之時無尸大戴禮曰無

尸者

厭也

蕙田案以上改設饌是為陽厭

祝薦席徹入於房祝自執其俎出

注徹薦席者執事者祝薦席則初自房來

贊闔牖戶

注鬼神尚居幽闇或者遠人乎贊佐食者

主人降賓出

注宗人詔主人降賓

則出廟門

主人出門哭止皆復位

注門外未入位

宗人告事畢賓出

主人送拜稽顙

注送拜者明于大門外也賓執事者皆去則徹室中之饌者兄弟也

蕙田案以上事畢送賓

記虞沐浴不櫛

注沐浴者將祭自潔清不櫛未在於飾也唯三年之喪不櫛期以下櫛可也今

文曰沐浴陳牲於廟門外北首西上寢右

注言牲腊在其中西上變吉寢右者

當升左胙也腊用柶檀弓曰既反哭主人與有司視虞牲疏士虞唯有一豕而云西上明知兼兔腊也少牢

二牲東上是吉祭東上今西上是變吉也

日中而行事

注朝葬日中而虞君子舉事必用辰正也

再虞三虞皆質明

疏辰正謂朝夕日中

蕙田案以上記沐浴陳牲及行事之期

殺於廟門西主人不視豚解

注主人視牲不視殺凡為喪事畧也豚解解前後脛

脊脇而已熟乃體解升于鼎也

疏特牲吉祭故主人視牲又視殺

羹飪升左肩臂臠肫

胙脊脅離肺膚祭三取諸左臠上肺祭一實於上鼎

注肉

謂之羹飪熟也脊脅正脊正脅也喪禮畧七體耳離肺舉肺也少牢饋食禮曰舉肺一長終肺祭肺三皆刲臙脰肉也疏士之正祭禮九體此七體故云畧膚脅羊肉擇之取美者

盛氏世佐曰膚祭三者陰厭時佐食為神祭于苴三是也必取諸左臙者近首貴也祭肺一則尸食時佐食取之并黍稷以授尸

升魚鱠鮓九實於中鼎

注差減之十有五此略

疏特牲魚

升腊左

胖髀不升實於下鼎

注腊亦七體牲之類

皆設局寓陳之

注嫌既陳乃設

局寓也

載猶進抵魚進髻

注猶猶士喪既夕言未可也

張氏爾岐曰吉祭牲進下魚進腴變于食生此喪祭與吉反是未異于生人也

祝俎髀脰脊脅離肺陳於階間敦東

注不升于鼎賤也統于敦明神惠也

祭以離肺下尸 疏尸祭用

剝肺祝用離肺故云下尸

敖氏繼公曰此俎實自鑊而徑載于俎不復升于鼎者不敢與神俎同也尸三俎用豕魚腊祝唯用豕亦變于吉也

蕙田案以上記牲殺體數鼎俎陳設之法

淳尸盥執槃西面執匱東面執巾在其北東面宗人授

巾南面

注槃以盛棄水為淺汗人也執巾不授巾卑也

蕙田案此記沃尸面位

主人在室則宗人升戶外北面

注當詔主人室事

盛氏世佐曰主人在堂則宗人立階前主人在室則宗人立戶外詔禮者宜近其人也皆北面鄉之

佐食無事則出戶負依南面

注室中尊不空立戶牖之間謂之依

蕙田案此記宗人佐食面位

劔芼用苦若薇有滑夏用葵冬用萱有杞

注苦苦茶也萱莖類也乾

則滑夏秋用生

葵冬春用乾萱

張氏爾歧曰夏葵冬

萱皆所以為滑也

豆實葵菹菹以西羸醢籩棗烝栗擇

注棗烝栗擇則菹刊也棗烝栗擇則

豆不揭籩

有勝也

盛氏世佐曰豆籩之實宜異于奠其器則如初而已異于籩者向吉之漸如初者喪不致飾也

蕙田案此記鉶芼與豆籩之實

尸入祝從尸

注祝在主人前也嫌如初時主人倚杖入祝從之初時主人之心尚若親存宜自親

之今既接神祝

當詔侑尸也

盛氏世佐曰經云尸及階祝延尸特牲少牢注皆云從後詔侑曰延則入門已後祝即轉居尸後矣言此者明其與出時異也尸出之時祝前

尸坐不說屨

注侍神不敢燕惰

尸謏祝前鄉尸

注前道也祝道尸必先鄉之為

之節還出戶又鄉尸還過主人又鄉尸還降階又鄉尸過

注

主人則西階上不言及階降階還及門如出戶

注及至也言還

至門明其間無節也降階如升時將出門如出戶時皆還向尸也每將還必有避退之容凡前尸之禮儀在此
敖氏繼公曰祝前者當尸之前而行也鄉尸還謂先鄉尸而即還也上降階者祝也下降階者尸也祝先降而鄉尸及尸既降祝乃反面而行

張氏爾岐曰祝之道尸必先以面鄉尸乃轉身前行謂之還上降階謂正降時此時祝以面鄉尸下降階謂既降時祝則轉身前行直至及門乃又鄉尸也

尸出祝反入門左北面復位然後宗人詔降

疏復位上
文祝入門

左北面之位詔
降詔主人降

蕙田案以上記祝相尸之節

尸服卒者之上服

注上服者如特牲士玄端也不以爵弁服為上者祭于君之服非所以自

配鬼神士之妻則宵衣耳

男男尸女女尸必使異姓不使賤者

注異姓婦

也賤者謂庶孫之妾也尸配尊者必使適也

疏尸須

得孫列者孫與祖為尸孫婦逮與夫之祖姑為尸故不得使同姓女為尸也男尸先使適孫無適孫乃使庶孫女尸先使適孫妻無適孫妻使適孫妾又無妾乃使庶孫妻不得使庶孫妻自虞祭卒哭以後禫以前喪中之祭皆男女別尸吉祭則男女共尸

欽定義疏無適孫妻當使庶孫妻不使妾小記言妾祔

於妾祖姑可見惟妾母之喪乃以妾為尸耳其取孫
倫之婦無服若輕服者為之與

張氏爾岐曰必使異姓
謂女尸以婦不以族女

蕙田案以上記尸服及為尸者

無尸則禮及薦饌皆如初

注無尸謂無孫列可使者也
殤亦是也禮謂衣服即位升

降疏禮記云無孫則取同姓之嫡如無孫又無同姓
之適是無孫列可使者也曾子問云祭成喪者必有尸
明殤死無尸可知

張氏爾岐曰喪祭而無尸者其衣服位面
升降之禮與薦饌之具皆與有尸者同

既饗祭於苴

祝祝卒

注記異者之節

不綏祭無泰羹滫瀡從獻

注不綏言獻

記終始也事尸之禮

主人哭出復位

注於祝祝

卒疏謂祝

祝卒無尸可迎既無上

祝闔牖戶降復位

于門西

注門西北

男女拾踊三

注拾更也三更踊凡言更踊者主人踊主

婦踊賓乃踊三

如食間

注隱之如尸一食九飯之頃也

祝升止哭聲三

啟戶

注聲者噫歆也將啟戶警覺神也

主人入

注親之

欽定義疏無尸則不行三獻禮主婦與賓皆不入故于

將徹時主人又入以致其敬若親送之者然亦倚杖

乃入

祝從啟牖鄉

如初

注牖先闔後啟扇在內也鄉牖一名也如初者主人入祝從在左

主

人哭出復位

注堂上位也仍前戶外東面

卒徹祝佐食降復位

注

復門西北面位佐食復西方位不復設西北隅者重開牖戶褻也

宗人詔降如初

注初贊闔

牖戶宗人詔主人降之

疏禮

畢降堂宗人詔之亦如上經也

蕙田案以上記無尸者陰厭之禮

始虞用柔日

注葬之日日中虞欲安之柔日陰取其靜

張氏爾岐曰古人葬日例用柔日

曰哀子某哀顯相夙興夜處不寧

注曰辭也祝祝之辭也喪祭稱哀顯相助

祭者也顯明也相助也詩云於穆清廟肅雍顯相不寧悲思不安

敢用絜牲剛鬣

注敢味冒

之辭豕

香合

注黍也大夫士于黍稷之號合言普淖而巳此言香合蓋記者誤爾辭次黍又不得

在薦上

疏曲禮所云

嘉薦普淖

注嘉薦菹醢也普淖和黍稷也普大也淖和

黍稷別號是人君法

也德能大和乃有

明齊淖酒

注明齊新水也言以新水淖釀此酒也郊特牲曰明

水說齊貴新也或曰當為明視謂免腊也今文曰明粢粢稷也皆非其次

敖氏繼公曰明齊蓋言醴也郊特牲曰縮酌用茅明

酌也又曰明水說齊貴新也蓋用明水說醴齊故曰

明齊也祝祝之時奠用醴而

已不用酒也云淖酒似衍文

盛氏世佐曰澆醲同白酒也上經云兩甒醲酒酒在東是醲與酒兼設矣明齊謂醲澆酒謂酒記文甚明先儒曲為之說特以饗神用醲而不用酒爾然酒以醲尸尸即神象也祝祝之時言醲而并及于酒不亦宜乎

哀薦禘事

注始虞謂之禘事者主欲禘先祖也以與先祖合為安

適爾皇祖某甫

注爾女也女死者告之以適皇祖所以安之也皇君也某甫皇祖字也若言尼甫

饗

注勸強之也

敖氏繼公曰以祔祭列之當云尚饗蓋庶其饗此祭也

再虞皆如初曰哀薦虞事

注丁日葬則已日再虞其祝辭異者一言耳

張氏爾岐曰皆如初謂用日祝辭皆與初虞同

三虞卒哭他用剛日亦如初曰哀薦成事

注當祔于祖廟為神安于

此後虞改用剛日剛日陽也陽取其動也士則庚日三虞壬日卒哭其祝辭異者亦一言耳他謂不及時而塋者喪服小記曰報葬者報虞三月而後卒哭然則虞卒哭之間有祭事者亦用剛日其祭無名謂之他者假設言之文不在卒哭上者以其非常也令正者自相亞也檀弓曰葬日中而虞弗忍一日離也是日也以虞易奠卒哭曰成事是日也以吉祭易喪祭明日

祔于祖父如是虞為喪祭卒哭為吉祭

敖氏繼公曰三虞卒哭謂既三虞遂卒朝夕哭也他者變易之辭猶今之言別矣不用柔日而別用剛日故曰他也他用剛日則三虞卒哭後于再虞三日矣

蕙田案敖氏以三虞與卒哭合為一祭非是

其詮解他字之義較注說為長

又案以上記祭日及祝辭

獻畢未徹乃餞

注卒哭之祭既三獻也餞送行者之酒詩云出宿于沛飲餞于禰尸旦將始祔

于皇祖是以餞送之疏虞卒哭同在寢祔則在廟故有餞送尸之禮

張氏爾岐曰卒哭祭之明日將祔于廟故卒哭祭畢餞之于寢門之外此下所記即其儀也

尊兩甒于廟門外之右少南水尊在酒西勺北枋

注少南將

有事于北有玄酒即吉也此在西尚玄也言水者喪質無筭不久陳

張氏爾岐曰廟門寢門也

洗在尊東南水在洗東篚在西

注在門之左又少南

饌籩豆脯四

脰

注酒宜脯也

盛氏世佐曰虞祭兩豆菹醢餞則一豆一籩是其異也脯籩實也不言豆實亦醢可知

有乾肉折俎二尹縮祭半尹在西塾

注乾肉牲體之脯也如今涼州鳥翅

矣折以為俎實優尸也尹正也雖其折之必使正縮從也

張氏爾歧曰二正體縮陳俎上又截正體之半以備授祭

尸出執几從席從

注祝入亦告利成入前尸乃出几席素几葦席也以几席從執事也

尸出門右南面

注俟設席也

席設于尊西北東面几在南賓

出復位

注將入臨之位士喪禮賓繼兄弟北上門東北面西上門西北面東上西方東面北上

主

人出即位于門東少南婦人出即位于主人之北皆西

面哭不止

注婦人出者重餞尸疏婦人有事自堂及房而已今出寢門之外故云重餞尸也

尸

即席坐唯主人不哭洗廢爵酌獻尸尸拜受主人拜送

哭復位

敖氏繼公曰唯主人不哭為將行禮也然則亞獻三獻之時主婦賓長亦不哭特於此見之也主人拜送

盖亦北面如

室中之儀

盛氏世佐曰唯主人不哭見其餘哭自若也將獻者哭止獻主于敬不欲以哭亂之

薦脯醢設俎于薦東胸在南

注胸脯及乾肉之屈也屈者在南變于吉疏曲禮

云以脯脩置者左胸右末是吉時屈者在左今尸東面而云胸在南則屈在右末在左故云變于吉也

尸

左執爵取脯孺醢祭之佐食授齊

注授乾肉之祭

尸受振祭齊

反之祭酒卒爵奠于南方

注反之反于佐食佐食反之于俎尸奠爵禮有終疏爵

不酢而奠之是為禮有終

主人及兄弟踊婦人亦如之

敖氏繼公曰亦如之者亦

及內兄弟之屬皆踊也

主婦洗足爵亞獻如主人儀無從踊如初賓長洗纒爵

三獻如亞獻踊如初佐食取俎實于筐

郝氏敬曰無從

無蘧豆從薦也

盛氏世佐曰餞尸之禮主人既不以肝從獻則主婦之不以燔從可知不待言也此云無從者指蘧而言上經自反兩蘧棗栗設于會南是也以其繼爵而進亦得云從并此而無之禮尤殺也

尸謬從者奉篚哭從之祝前哭者皆從及大門內踊如

初注男女從尸男由左女由右及至也從尸尸出門哭

者止注以餞于外賓出主人送拜稽顙注送賓拜于大門外疏從尸

不出大門者有事尸限送賓大門外自主婦亦拜賓注

賓也不言出不言送拜之于闈是常禮但禮有終賓無答拜之禮也丈夫說經帶于廟門外

門之內闈門如今東西掖門

注既卒哭當變麻受之以葛也夕日則服葛者為祔期
疏喪服注云大夫以上虞而受服士卒哭而受服約
此文而言也今日為卒哭祭明旦為祔前日之夕為祔
祭之期變麻服葛是因祔期即變之使賓知變節故也

張氏爾歧曰是日之夕主人
因告賓祔期則服葛帶也

入徹主人不與

注入徹者兄弟大功以下言主
人不與則知丈夫婦人在其中

婦人說

首經不說帶

注不說帶齊斬婦人帶不說也婦人少變
而重帶帶下體之上也大功小功者葛帶

時亦不說者未可以輕文變于主婦之質至祔葛帶以
即位檀弓曰婦人不葛帶疏大功以下夕時未變麻
服葛者以其與主婦同在廟門外主婦不變大功以下
亦不變夕後入室可以變故至祔旦以葛帶即位也

張氏爾歧曰檀弓所言亦謂婦人服齊斬者大功
以下是日雖不說麻明日祔祭則葛帶以即位矣

蕙田案以上記卒哭餞尸之禮

無尸則不餞猶出几席設如初拾踊三

注以餞尸者本為送神也丈夫

婦人亦從几席而出

疏雖

無尸送神不異故云如初

哭止告事畢賓出

蕙田案以上記無尸不餞之禮

死三日而殯三月而葬遂卒哭

注謂士也雜記曰大夫三月而葬五月而卒哭

諸侯五月而葬七月而卒哭此記更從死起異人之間其義或殊

疏士三日殯三月葬皆通死日死月數是

以士之卒哭在三月內大夫以上殯葬除死日死月數大夫三月葬除死月則通四月又有五虞則卒哭在五

月諸侯以上可知注異人謂記者不一人故言有更端

將旦而祔則薦

注薦謂卒哭之祭

張氏爾岐曰旦

謂明旦之旦

卒辭曰哀子某來日某齊祔爾於爾皇祖某甫尚饗

注

辭卒哭之祝辭齊升也尚庶幾也不稱饌明主為告祔也

疏迎尸之前祝釋孝子辭云爾

女子曰

皇祖妣某氏

注女孫祔于祖母而死或出而歸或未廟見而死歸葬女氏

疏此女子謂女未嫁

之家既葬祔于祖母也

婦曰孫婦于皇祖姑某氏

注不言爾曰其

他辭一也

注來日某齊祔尚饗

饗辭曰哀子某圭為而哀薦之饗

注饗辭勸強尸之辭也圭絜也詩曰圭圭為饗凡吉祭饗尸曰孝子

疏祔及練祥吉祭其辭亦用此但改哀

為孝耳

蕙田案上記卒哭告祔之辭及饗辭

明日以其班祔

注卒哭之明日也班次也喪服小記曰祔必以其昭穆亡則中一以上凡祔已

復于寢如既祔主反其廟練而後遷廟 疏祔祭與練

祭祭在廟祭訖主反于寢其大祥與禫祭其主自然在

寢祭之案下文禫月逢四時吉祭

之月即得在廟祭但未配而已 沐浴櫛搔翦

注彌自飾也

用專膚為折俎取諸胹臠

注專猶厚也折俎謂主婦以下俎也體盡人多折骨以為

之今以胹臠貶于純吉今文字為

折俎而說以為折俎亦甚誣矣

張氏爾岐曰吉祭折俎

用體骨此用膚為不同

其他如饋食

注如特牲饋食之事或云以左胖虞右胖祔今此如饋食則尸俎所俎皆有肩臂豈

復用虞臂乎其不然明矣 疏虞不致爵夫婦無俎此
上文有俎則夫婦致爵矣以祔時變麻服葛其辭稱孝
夫婦致爵與特牲同注或云以下鄭君
以經文破當時左胖虞右胖祔之說也

敖氏繼公曰其他謂陳設之位
與事神事尸之儀及執事者也

用嗣尸

注虞祔尚質未暇筮尸 疏用嗣尸
者從虞以至祔祭惟用一尸而已

欽定義疏自虞至祔惟用一尸不易尸者固以喪中不
瑕筮尸亦以數日之間欲令神之馮依有定不可倏
彼而倏此也或曰孫于祖為嗣用嗣尸者即以虞尸
為皇祖之尸而新祔之孫不另設尸也

曰孝子某孝顯相夙興夜處小心畏忌不惰其身不寧

注稱孝者吉祭

用尹祭

注尹祭脯也大夫士祭無云脯者今不言牲號而云尹祭亦記者誤矣

嘉

薦普淖普薦淲酒

注普薦鉶羹不稱牲記其異者

適爾皇祖某甫以濟

祔爾孫某甫尚饗

注欲其祔合兩告之曾子問曰天子崩國君薨則祝取羣廟之主而藏諸

祖廟禮也卒哭成事而後主各反其廟然則士之皇祖于卒哭亦反其廟無主則反廟之禮未聞以其幣告之乎

張氏爾岐曰上句告

死者下句謂皇祖

蕙田案以上記祔祭之禮

期而小祥

注小祥祭名祥吉也檀弓曰歸祥肉

曰薦此常事

注祝辭之異者言常者期

而祭

禮也

張氏爾岐曰

此謂練祭

又期而大祥曰薦此祥事

注又復也二十五月大祥祭

疏謂

敖氏繼公曰凶事至是盡除故曰大

祥而其辭曰祥事言大者對小之稱

中月而禫

注中猶間也禫祭名也與大祥間一月自喪至中凡二十七月禫之言澹澹然平安意也

是月也吉祭猶未配

注是月是禫月也當四時之祭月則祭猶未以某妃配某氏哀未忘

也少牢饋食禮祝祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗

疏謂

是禫月得禫祭仍在寢此月當四時吉祭之月則于廟行四時之祭于羣廟而猶未得以某妃配。

敖氏繼公曰禫之月即安祭所以安神至是方云吉祭則于祔云其他如饋食者亦大約言之耳猶未配孝子之母雖先其父而卒者此時猶未以之配祭也蓋此祭主于安其父之神靈故不及其母

盛氏世佐曰別云是月則禫祭與吉祭同月而異日明矣吉祭謂以吉禮祀今亡者于廟也前此者虞不致爵小祥不旅酬大祥無無筭爵皆未吉也至此純以吉禮行之故曰吉祭一月而兩祭者禫尚在寢吉祭則以其新遷于廟而為是祭以妥其神也配謂以

其妃之先卒者合食也婦人無廟其妃之先卒者鄉
祔于皇祖姑今其夫遷廟之後乃合食焉是則所謂
配也未配則祭考而已不及妣也未配之義有二一
則以其在二十七月之內未忍純以鬼神之道事之
一則喪三年不祭是時羣廟之祭猶未舉固不得而
獨私其母也蓋此祭為新遷廟者不為舊在廟者至
于羣廟之祭則必待三年喪畢二十八月而後行之
也疏以此祭為祭羣廟非

蕙田案以上記大祥小祥禫祭吉祭

右儀禮士虞禮

附方氏苞儀禮喪服或問

喪服不及高祖何也與曾祖同也何以知其同無可
殺也何以知其非無服也未有旁服以是屬而反遺
於正體者也服之有差所以責其誠以義則高曾等
重而恩亦未見其有差也後世易曾祖為五月高祖
三月而例以小功總麻之月數未達於先王稱情以

立文之義也

父在為母齊衰期何也所以達父之情而便其事也
期之外父居復寢樂作矣而子纍然哭泣於其旁是
使父不自克也若父之喪則母與子同戚憂故不慮
其相感動也古者大夫有出疆之政則祭必攝期之
外祭當攝而廢焉是使父不得伸敬於祖父也然則
父歿為母三年何以不慮祭之廢子以哀而不得伸
敬於祖父情也以子之哀而使父不得伸敬於祖父

是傷父之志也然則後世加以三年易以斬衰而衆
安焉何也古之為喪也責其實後世之為喪也侈其
文古者服有厭降而居處飲食一如其常期是文雖
屈而不害其實之伸也若實之亡而徒以三年為隆
是相率而為偽也父母何別焉又况斬齊苴削象於
外以為文者乎

父歿為母齊衰三年何也不貳斬者原母之情而不
敢並於父也加以再期原子之情而著其本不異於

父也杖之削也經之右本也取諸天地陰陽以為象
焉耳非謂恩義之有重輕也記曰三年之喪如斬期
之喪如剡不曰斬衰之喪如斬齊衰之喪如剡也然
則父在為母期所以達父之情而非子之情有所殺
便父之事而於子之事無所變也決矣

慈母如母何也婦人同室志常不相得能使視他人
之子如己子乎因其無子無母者而命之然後身以
有所託而安情以無所分而篤又申之以母服蓋重

其義以生恩也又緣其恩以起義也

婦為舅姑齊衰期何也稱情以立文其情適至是而止也婦之痛其舅姑信及子之半可以稱婦順矣其義之重比於孫之喪其祖不可謂非隆矣虞杖不入於室祔杖不升於堂謂可以舍杖而仍焉是作偽於其親也婦為舅姑後世易以斬衰三年將責以誠乎抑任其偽乎此以知禮非聖人不能作也

妾為君之黨服得與女君同妾為女君君之長子三

年何也婦人之性惟猜妒為難化也故以禮明彰其義而潛移易焉一人有子三人緩帶所以同其喜服為女君君之長子三年所以同其憂如此則女教明家和理而下型於兄弟矣婦為舅姑期其情適至是而止妾為女君君之長子三年將責以誠乎責以誠也舅姑以考終常也長子死家之大變也先祖之正體推君及女君痛如斬而不與同其憂非事人之道也其曰女君君之長子何也無適雖庶長不敢殺也

繼母嫁從為之服期何也此以權制使背死而棄孤者無所逃其罪也夫無大功之親相養以生守死義也而孤則無與立矣嫁而以從於死者猶有說焉故母子之恩不可絕也古者同財相養何以不及小功之兄弟聖人不以衆人之所難者望人蓋專其責於所親也因母嫁而從者無文何也其服同也何以知其同無可加也

繼父同居者服期何也所以存孤而使人不獨子其

子也。胤之喪其故雄者常護其子而卒莫能容非其族也能卵而翼之有父道焉。故正其名重報以教民厚也。不同居而齊衰三月者猶仍其父之名亦此義焉。爾古者大宗收族而禮文復具此何也。人事或有所窮也。

如單微轉徙之類

為妻齊衰期何也。古之為夫婦者嚴於始而厚於終。故三月而後反馬。微不當於舅姑而遂出焉。其能成婦順則父母得其養兄弟姊妹得其親三黨得其

和子姓得其式夫苟亡常以死責之其擔負至死而後弛故於其喪服以期而非過也然則一同於母乎

妻則期之外寢可復樂可作矣母則居處飲食猶三

年也

漢戴德喪服變除天子諸侯庶昆弟大夫庶子為其母哭泣飲食居處思慕猶三年也

何

以知其然也諸侯絕期而公族有死罪素服居外不舉不聽樂如其倫之喪況所生之痛如斬者乎大夫之適子何以不降其妻也舅姑為之大功則去期近矣祭之宜攝而廢也僅矣

出妻之子為母與父在為母同何也父之匹敵身之所自出也雖去父之室服不可降於期然自是而終矣其無別于父之存歿何也為父後者無服則祭可攝矣義既絕於父雖達子之哀而不慮其相感動也其為外祖父母無服何也從服也母出則無所從矣轉而服繼母之黨矣別記曰妾從女君而出則不為女君之子服用此見婦而不婦不惟自絕於舅姑且絕其子於已之父母不惟自遠其子且絕其子於娣

姪雖終於父母之室而終身作焉所以重懲婦行之放佚而使不敢犯也

大夫之庶子公之昆弟何以降也為尸也卿大夫將為尸于公未受宿有齊衰內喪則廢是以降而大功也古者尸必以孫無親者然後以其屬傳曰公子厭于先君之餘尊信乎非也公妾大夫之妾為其子與父母皆不降則服之降非以尊厭審矣妾得伸以不與於祭焉爾大夫之庶子為適昆弟不降父之所

不降則祭與尸皆無事焉爾

父在為母期而世母叔母亦期母為衆子期而夫之
昆弟之子亦期何也恩之所難屬也故重其義以維
之幼失父母舍是無依也嫠而獨舍是無歸也故非
其母也而母之所以責母之義也非其子也而子之
所以責子之義也

記曰叔母世母疏衰踊不絕地又
曰叔母世母故主宗子食肉飲酒

故知責以
義為多

古之詳於殯服何也先王之制喪禮一以哀死一以

衛生也悲哀志懣氣盛故袒而踊之所以動體安心
下氣也水漿糜粥量而後納恐其有所滯壅也哭泣
奠告所以致其思慕也蓋必備其禮達其情而後哀
可節焉人之愛其子也於所親為甚服可除其情不
可抑而絕也故子婦之愚憊者乃過時哭泣以傷長
老其敬順者或攝隘以傷其生用此知古之道所以
達人情之實而不可易也

適孫為祖父母三年而報以期何也三年者代其父

也原父之心致痛於尊者之惇獨無終極也故累而相承雖高魯無殺焉適子之服既三年矣原子之心見父母之致哀於卑者惟恐其或過也故適孫以期斷此先王所以達人情權禮義而不可損益也

曰適孫而

不曰祖為適孫故知祖母同

夫承高魯之重則妻何服凡祭必夫婦親之父卒為祖父後者斬則妻從服如舅姑可知也高魯視此矣然則母在宜何服原祖之情不忍以孫之亡而遠其

婦緣婦之義不敢以夫之亡而遠其祖則服如舅姑可也然則婦姑同服可乎義之重均則高曾之服同齊衰三月恩之輕均則從祖父母諸父昆弟同小功安在婦姑不可以同服也

為人後者為所後者之祖父母妻妻之父母昆弟昆弟之子若子父舉正統而母黨則詳焉何也正統有重服嫌或同於庶子母黨有徒從嫌或同於前母之子故著之也母之黨然則父之黨無降殺可知矣

為人後者為其父母昆弟姊妹適人者之外服不見
經何也以親兄弟之子而相後則三者之外服皆同
也以是知古之立後親者盡然後取於疏所以則天
經而定民志也

庶子之子為父之母服不見經何也大夫之庶子父
在為母大功父歿遂則其子從服而每降焉可知也
不嫌於以之配祖而卑其祖與庶子父歿為母三年
不嫌於以之配父而卑其父也先王制禮恩與義並

行而不相悖別記曰有從輕而重公子之妻為其皇姑則君夫人在既以正其姑之名而服以婦之服矣

庶子得服母之黨庶子之子乃不得從父而服父之

母乎然則妾母不世祭

穀梁傳於子祭於孫止

何也彼據適子

而言之也庶子不祭禰故緣父之恩與兄弟之義而使其母得祔食焉易世以後則庶子之子自立禰廟以饗其親而上及於祖妣矣是以於適孫則止也周祀姜嫄盖斯禮之下達舊矣

女子適人而無主者不為父母斬何也父母之於女服可加者仁之通女之於父母服不可加者義之限也服過於期則疑於去夫之室矣然則姪與兄弟之期何以報也期其本服也小功皆在他邦加一等況適人而無主後者於其兄弟乎故加期以報而無所嫌焉耳

適孫婦服不見經何也文脫也庶孫婦總則小功可知矣或曰適婦在則孫婦不得為適非禮意也凡祭

必夫婦親之孫為祖後其婦從焉適婦嫠不得主祭
準以有適子無適孫之義則失之矣

諸侯之大夫以時接見乎天子則為天子服世子誓
於天子而不為天子服何也古者繼世以象賢故君
薨子承嗣三年之喪畢類見於天子天子錫之命而
後其位定

未類見視天子之
元士以君其國

今父在承嗣與定位不

可知故其服不可得而制也古者諸侯覲於天子既
事肉袒請刑世子不為天子服皆所以使自戒懼而

不忘其事守也然則無變乎喪之通禮父有服宮中
子不與於樂則既為之變矣

國君絕期而為適子之長殤中殤大功何也痛先祖
正體之摧也用此見父為長子三年通乎上下

小功之親皆在他邦加一等不及知父母與兄弟居
加一等何也以事之變而生其恩故不得服其常服
也別記曰生不及從祖父母諸父昆弟而父稅喪已

則否

記文脫從辨
見戴記或問

情之所不屬不可作而致故并其

服而去之所以責服其服者之誠也

婦人為子婦小功而夫之昆弟之子婦大功何也報服也姑之於婦不可以言報夫之昆弟之子婦服不見經何也以婦服夫之世母叔母知其報也何以知其報也大夫之子於不降期唯子不報也世父叔父期則從祖宜大功而服小功何也大功之親皆屬乎祖與父者也從祖則屬於曾祖者也其恩不可強而同且服止於五而窮於總若從祖大功則三從之總

施於六世矣

朱子語類所載乃門人之問非朱子之答也

母之姊妹之服乃隆於母之兄弟何也女子在父之室於姊妹為尤暱故親其姊妹之子常過於舅之親其甥故稱其情而為之服也

戴記喪禮或問

在室室之中非時見乎母不入門何也喪禮莫嚴於

御內

既葬君食之則食之大夫父之友食之則食之不避梁肉祥禪而後未吉祭不得復寢

蓋

食梁肉而淒然念所親者有之矣御內而不忘哀未

之有也禮以防德非徒外之文既練居堊室悲憂則
既殺矣使以見母而時接其內人哀敬之心移焉雖
強居於外猶之乎作偽於其親也故見其母有時其
入也有時其出也有時而母以外不得見所以示人
心之危而俾自循省也

期終喪不御於內者父在為母為妻先王制禮非重
妻而輕諸父兄弟也世父母叔父母兄弟姊妹子
姓兄弟之子一斷以終喪不御於內設本大枝繁而

死喪相繼則人道為之曠絕矣故近其期所以使中

人易守也

寡伯叔父兄弟者必終喪不御於內

妻一而已媵姪具於初

婚內事以次攝非宗子娶不必再故其義可得而伸也何以言母妻而不言祖父母母與妻疑為父在而屈者也祖父母之伸則不以父在為疑者也

婦人喪父母既練而歸期九月者既葬而歸何也為人夫者無為哀其妻之親屬至於久而不怠也使歸而入室焉則喪之道息矣用此見古者士大夫必具

姪娣以攝內事奉舅姑然後婦人得成禮於所親禮
不下庶人此類是也

妻妾之喪食異於子姓何也子姓之哀惟恐其不及
也妻妾則或慮其過一以自嫌一為其夫嫌也古者
閨門有禮故妻有娠居側室夫不自見而使人日一
問之妻不自言而使姆對及其終也男子不絕於婦
人之手婦人不絕於男子之手所以彰羞惡之原以
立人之道也公父文伯死其母戒其妾曰二三婦之

辱共先祀者請無瘠色無憂容從禮而靜是昭吾子也穆伯之喪敬姜晝哭而帷殯達此義也夫

為父母喪未練而出則三年既練而出則已未練而反則期既練而反則遂之既練而出服之既除者不可以再始也然反父母之室而吉服以臨祭奠間兄弟之衰麻可乎既練而反服之未除者不可以無終也然反夫之室而箭筭髻衰以侍舅姑而疑於為其夫可乎

婦人持私親之服不歸夫家本義為不宜入室然亦恐疑於夫家之服舅姑意或惡之

古者婦為舅姑期之外服青縑以俟夫之終喪出與反者皆從是以終喪而居處飲食則自致焉可也

為君母後者君母卒則不為君母之黨服何也從服也君母卒則無所從矣父再娶從後母而服其黨父歿自服其母之黨父未歿不再娶則其不服君母之黨何也不可以徒從而紊於屬從也用此知古者妾有子則女君免於出先王制禮以立人道之防始婚具媵姪少者以次需所以禁男子之色過也妾有子

女君免於出所以化婦人之嫉心也

從服者所從亡則已屬從者所從雖歿也服徒從者
四惟妾為女君之黨一同於屬從何也婦人之妒者

恒視其妾如讐仇而先王制禮乃一同於天屬使幼

而見焉長而思焉其哀吾子也不異於所生

妾為女君之子

與女君同其哀吾父母也不異於所生其哀吾親戚也不

異於同生而義之重恩之深至於雖歿而無變焉非
甚無良必且潛移其忍心而大怵於公義矣此禮之

所以起教於微眇而絕惡於未萌也

公子為其母練冠麻麻衣繚緣而其妻期何也子於所生服雖厭降中情不可得而奪也婦服其姑而異

於嫡將有慢心焉故斷以期而正之曰皇姑

問傳有從輕而

重公子之妻為其皇姑

所以示妾母之尊有獨伸而致其嚴也

父卒然後為祖父後者服斬父沒未成服而祖又歿如之何服以斬成服以卒之先後其他如父母之喪偕父在祖歿未成服而父又歿如之何服以斬其成

服不以歿之先後是何也父卒然後為祖後父之服
未成則於祖無承也祖歿於父後而曾祖尚存如之
何子為父斬不以祖之存歿異也則承父之重而為
祖斬不以曾祖之存歿異可知矣父祖歿母在而祖
母歿如之何父卒為祖斬不以母之存歿異也則祖
卒而為祖母三年不以母之存歿異可知矣繼祖母
如因高曾視祖妻從夫適孫之母同婦其他皆以是
類焉可也

祖父卒而后為祖母後者三年祖母歿未終喪而祖父歿如之何禮如父母之喪偕然則衰可更制乎女為父母未練而出則三年胡為不可以更制也

既葬若君食之則食之大夫父之友食之則食之矣不避梁肉若有酒醴則辭父母大父母諸父至尊親而不得食之何也君大夫父之友之食不常也

有服人召

之食不往大功以下既葬適人非其黨不食斬衰之喪非有大事不之君所大夫父之友可知而姑息之愛行焉則喪紀為之廢矣

喪三年不祭何也謂主孤不親即事也故曰惟祭天

地社稷為越紼而行事蓋宗廟之祭則宰宗人攝之

商書伊尹祀于先王周官量人職凡宰祭與鬱人受
筭歷宗伯職王不與祭則攝位曾子問天子崩諸侯
薨祝取羣廟之主藏之祖廟卒哭成事而後主各反
其廟未卒哭藏羣廟之主為不祭也主既反廟則時
祭不可廢矣既殯五祀行于宮中况五
廟七廟之祭而可廢至三年之久乎

五祀則祝史

薦之

詳見曾子問

山川百祀則有司舉之主孤不親涖焉

爾大夫士之禮所以異者何也尊者統遠卑者統近
士大夫之祭止於曾祖亡者之祖若父也其情戚矣

推生知死將見羶薌而不忍御焉雖廢祭可也諸侯之祭達於太祖豈惟家之承國體係焉天子之祭極於祖之所自出所承益遠矣其不親即事所以達孝子之情而祭不廢所以重先王先公之統也天地社稷越紼而行事則將脫袞而以嘉服乎天子者天地之宗子也以天地臨之私親可暫屈也諸侯之社稷天子之命祀也以天子臨之私親可暫屈也并葛經而葬與神交之道也而況天地社稷之重乎成王崩

康王冕服以受顧命臨諸侯其去武王之喪未遠也
必周公之所嘗行也然則越紼而行事終事而反喪
服胡為其不可乎

天地社稷可越紼而行事宗廟之祭何以必使人攝
也古者父為繼祖之子斬祖為適孫齊統之上承彌
重則憂之下逮彌遠故君始喪祝取五廟七廟之主
而藏於寢廟蓋謂雖祭而不忍歆也既卒哭主各反
其廟則時祭不可廢然緣祖考之心近者服猶未終

遠者憂猶未弭不忍見喪容之纍纍而易其服故使
宰宗人攝焉所以達嗣子之哀而又以申其敬也

君子不奪人之親而有君喪服於身雖父母之喪不
敢私服何也使父母生而存固將斬齊而苴經焉服
有變除緣死者之心不敢以已之服而變除君之服
也緣生者之義不敢以君之服而同於私服之有包
有特也君之喪服除而後殷祭亦此義焉耳

曰殷祭
包二祥

也有君喪服而可私舉虞祔何也葬有定期虞祔必
連舉且以私服計之卒哭後有受而無變祥則變而

即吉矣
故不敢

總不祭何也以同宮為斷也為父後者為出母無服

於母之恩尚以承祭絕之設大夫之子為士

士之所
以異者

總不
祭

乃以四世兄弟之服而廢皇考王考之祭不亦

舛乎曾子問曰大夫之祭鼎俎既陳籩豆既設不得

成禮廢者幾孔子曰天子崩后之喪君薨夫人之喪

君之太廟火日食三年之喪齊衰大功皆廢外喪自

齊衰以下行也諸侯之大夫為夫人期為天子七月

祭皆廢然則外喪齊衰為世父母叔父母兄弟不同
宮者可知也以同宮為斷則祭之廢者寡矣吉凶異
道不得相干故同宮雖臣妾葬而後祭況親屬乎

大功者主人之喪有三年者則必為之再祭朋友虞
祔而已無三年者何以不為之練祥也無後者從祖
祔食他日之主祭者即夫人也

大功而主喪必
同祖之適長

大功

之服不及練祥則以時而祔食於祖可矣民不祀非
族朋友何以得虞祔也天子諸侯祭因國之在其地

而無主後者學者祭先聖先師皆以義屬耳而況兼以朋友之恩乎亡者無族既為之葬則迎精而反不可無以安之也魂魄無依不可不為之祔也然則何以不並主其練祥也朋友虞祔而退衆賓皆在焉故主其事而不為嫌練祥之祭廢也自致其哀而以朋友參焉則瀆矣然則妻可練祥而不得虞祔何也虞有禮於賓祔以告其祖而以婦人專之則瀆矣

姑姊妹其夫死而夫黨無兄弟使夫之族人主喪妻

之黨雖親弗主夫若無族矣則前後家東西家無有則里尹主之婦人出而不反然後私親主其喪匪是而主之是儕發者於出婦也朋友死無所歸孔子曰於我殯奉使而死於異國從行者非無親屬

觀祭筮尸可見

而君大夫之弔介主之義各有所當也前後家東西家而曰無有者求其夫之朋友而不得也古者男女

始生必書於閭史

二十五家之長在鄉為閭胥遂為里宰里尹即宰也二十五家豈能

別置史非里胥自為之則取於比長之知書者

朋友之道窮然後里尹可屬

焉

周官黨正掌五族之喪紀

無子而服加以期恩以窮而益篤也

不敢主其喪義以變而益嚴也禮粗則偏是以非聖人不能制爾

居君之母與妻之喪居處飲食行爾何也義不得致其哀也未亡人考終以從先君於地下是國之福夫
人之幸也古者禮莫嚴於男女故嫂叔不通問姑姊
妹女子子已嫁而反兄弟不與同席而坐同器而食
小君之喪而羣下致其哀君子以為慎矣

視君之母與君之妻比之兄弟何謂也凡小功者謂之兄弟孔子曰居君之母與妻之喪居處飲食衎爾兄弟之期其痛如剗胡可比也小功比葬食肉飲酒此曰發諸顏色者亦不飲食國體存焉爾

叔嫂之無服何也先王制禮使人知自別於禽獸故常以禽獸之道閑之叔嫂不通問姑姊妹女子子已嫁而反兄弟不與同席而坐同器而食大為之防而亂之生比由於此此以知聖人憂世之深也

諸侯有父母之喪而天子崩則如之何記曰君薨未殯臣有父母之喪歸殯反於君所親未殯則子之情不可奪也親既殯則臣之義不可違也春秋傳曰周人有喪魯人有喪周人弔魯人不弔周人曰固吾臣也使人可也魯人曰吾君也親之者也未殯雖有天子之命猶不敢則既殯而往可知矣

夫人弔於大夫士何也君之懿親也服可除喪紀不可得而廢五廟之孫祖廟未毀雖為庶人死必赴練

祥則告况大夫士乎然則君與夫人之弔禮何以止於大夫士自庶人以下尊卑之體懸其力不足以周其事親與之為禮則受者以為難故聞其喪為之變正其賵賻承含而弔弗親焉爾

大夫之適子為君夫人大子如士服何義也古者孤卿大夫元士之適子並入於成均舍不帥教而屏之遠方鮮不為士者故雖未仕而掌於諸子董以師氏令於宮伯國之休戚壹與有位者同之

諸子職國有大事帥國子

而致于大子惟所用之若有甲兵之事以軍法治之
會同賓客作以從王宮伯掌王宮之士庶子凡在版
者有大事作宮衆則令之而况君夫人大子之大故乎然則士之

子何以異也古之服喪者必舍於公宮邑宰之士猶
既練而歸孤卿大夫有室老私有司以承家事故其
子可持服於公宮若士之子亦如之則室家之計天

屬族姁疾病死喪嘉好之事孰代承之此先王制禮

所以稱物緣情而盡人之性也

非元士之適子不入於成均非貴游子弟

不學於虎門皆勢有不行

然則與國民奚別焉父有服宮中子不

與于樂則與國同憂之日遠矣

生不及祖父母諸父昆弟而父稅喪已則否何謂也
文脫而傳者承其誤也降而在緦小功者猶稅之而
況正體至親之期乎從祖父母及所出之諸父昆弟
於父為期為大功而已皆小功也小功不稅謂此焉
爾

師之服不見於禮經何也古者自閭以達於國皆有
師以課術業稽勤惰曰師曰弟子者乃有司之事守

爾

其時有久近業有大小教有精粗
誼有疎密故其服不可得而制

雖曰人生在三

事之如一然道之足以稱此者鮮矣孔子之喪門人
疑所服蓋前此未之聞也記曰服勤至死心喪三年
蓋以孔氏之門人若喪父而無服耳周官調人之職
曰師長之讐視兄弟或嚴如父或儕於長而比之兄
弟以義為衡可以自擇矣

大夫士既葬公政入于家而庶人三年不從政何也
非獨遂其哀心亦寬其財力俾得自營以更喪之所

費耳

禫而從御吉祭而復寢何謂也喪祭言寢者三既練舍外寢謂堊室也又期而大祥居復寢平日之外寢齊與小喪之所次也惟吉祭而復寢乃燕私之寢耳廬堊室之中不與人坐焉大祥復外寢則婦人可從而與執事矣而未吉祭不忍復其燕私之居孟獻子禫比御而不入未吉祭故也寢則未復而使婦人與執事何也哀心必以久而平常道必以漸而復先王

知孝子之情不可使脫衰而御內而邪惡之民欲動情勝而不能自止也故權其節會制以文理而使自

循省焉始食肉者先食乾肉始飲酒者先飲醴酒亦

此義焉爾

鄭氏謂從御御婦人杜預謂從政而御職事皆非也大祥居外寢齊喪所次無御婦

人之道既卒哭諸侯服王事大夫服國事既練諸侯謀國政大夫謀家事豈待既禫始從政御職事哉

婦人不居廬不寢苦何義也深宮固門以自藏復幃

重衾以自蔽雖至痛而不廬不苦所以示守身之嚴

而不可苟也然必有次焉班序羣居而不敢適私室

大記曰夫人世婦在其次則杖即位則使人執之曾
子問曰壻親迎女在塗而有齊衰大功之喪則如之
何孔子曰男不入改服於外次女入改服於內次男
女各有次限之以內外偕作並息雖有不肖者無由
接於淫非此禮之所以閑其塗而禁於未發也其不
及小功以下何也恩則輕服則衆盡為之變則勢有
所不行矣

哀至則哭志懣則踊者人之情也哭踊有節則將抑

而止焉將作而致焉若是乎禮之不即人心也荀子
曰將由夫愚陋邪淫之人與則彼朝死而夕忘之然
而縱之則是曾鳥獸之不若也彼安能相與羣居而
無亂乎將由夫修飾之君子與則三年之喪二十五
月而畢若駟之過隙然而遂之則是無窮也用此推
之哭踊必有節然後痛甚者依於禮而不敢遂不肖
者勉要其節而中情不應其心必有動焉所以振其
昏蒙而納之於人道也禮有微情者有以故興物者

於此焉具之矣愴怛慟其節不能以自辨故商祝
後主人而相焉

廬不於殯宮何也近則習習則哀心不可繼而微常
則安安則敬心不可攝而散且親方存子之起居飲
食必異所懼其褻也況在殯乎故無事不辟廟門朝
夕褰帷而哭所以致哀而遂敬也廬於中門之外哭
無時所以便事而達情也

始喪自君至於士哭以人代無停聲何義也所以使

衆著於親上死長之義而不敢忽也所以使主人哀情時觸而不敢忘也禮有以故興物者此其凡也

期九月之喪皆三月不御於內大功之正服何以上比於期也此禮之所謂推而進也從父兄弟視同生有間矣而吾父視之猶子也沂之大父母則與吾一身也故緣祖若父之心而不忍遂離異焉兄弟之子婦踈矣而子猶吾子也故因服之有報而喪之如適婦重其義以明恩所以厚人倫而正家則也

居喪之禮小功總麻無別焉何也服不容無差而哀不能更有差也其復寢之制無聞何也以期大功之三月推之則終月而復焉為已促矣義之輕莫若姑姊妹之子然吾姑姊妹方心絕而志摧苟有人心者能宴然即安於私寢乎恩之淺莫若妻之父母然人喪其親我不能旬月為之變而狎於婢妾

古者婦人喪父母既

練而歸

尚望其誠孝於吾親而安其屬乎是謂察於人

倫事淺而義博矣

齊衰期者大功布衰九月者皆三月不御於內女入

門遭喪而未婚者何以必俟喪之除也

曾子問曰壻親迎女未至

而有齊衰大功之喪則如之何孔子曰男不入改服于外次女入改服于內次然後即位而哭曾子問曰除喪不復婚禮乎孔子曰祭

過時不祭禮也又何反於初

御內之期斷以三月所

以該事之變而計其所窮也始婚則一而不再吉凶

異道不得相干小功既卒哭可以冠娶妻而下殤之

小功不可則每上者可知矣除喪不復婚禮何也舅

姑則既見矣盥饋則既親矣奠祭既與廟見之期既

踰是以過時而不可復也

親喪外除中月而禫則其曰三年之喪二十五月而畢何也祥而縞是月禫徙月樂祥以二十五月之始禫以是月之終是謂中月而禫是謂二十五月而畢爾

凡為位非親喪齊衰以下皆哭盡哀而東免經即位袒成踊襲拜賓反位成踊送賓反位相者告就次三日五哭卒主人出送賓衆主人兄弟皆出門哭止相者告事畢成服拜賓若所為位家遠則成服而後往

此聞諸父兄弟死於異國之禮也主人者或以親或以長而應主其人之喪者也告就次者聞喪不入內雖一夕必有次也若所為位家遠則成服而後往近則不忍待也首言非親喪者若親喪在外則無遠近聞而奔不暇為位以哭也

舊說此以私事出未奔者果爾則在他國不應有衆

主人兄弟故復遷就其說謂既奔喪至家則喪家之主人為之拜賓送賓衆主人亦謂在喪家者文義情事俱不可通

記曰相趨也出宮而退相揖也哀次而退相問也既

封而退相見也反哭而退朋友虞祔而退又曰知死而不知生傷而不弔何也一以語其常一以語其變也或相知於異國或同事於異時其子未之或知而往弔則嫌於以父之行自居而使主人心愕焉故傷之而遂已焉爾

所識其兄弟不同居者皆弔何謂也死者所識之兄弟也弔者弔其所識也伯高死於衛孔子使子貢為之主而曰為爾哭也來者拜之朋友得為主而受弔

則兄弟可知矣弔所以哀生也知死而不知生傷而不弔子且不弔況其兄弟不同居者乎大夫哭諸侯不敢拜賓何謂也君薨於異國子出迎諸臣在國者朝夕哭臨於朝國賓有入唁者則哭以答之而不敢拜也

曾子問君出疆而薨其入也子皆從柩故知聞訃必出迎也知在國卿大夫哭臨者君雖未知

喪臣先服則哭臨不待子之歸明

聘禮使者在他國君薨赴未至則哭於巷衰於館赴者至則衰而出諸臣在他國無受弔之禮而曰不敢

拜賓者主國君臣及他國同時而為聘使者必相唁也

與諸侯為兄弟為位而哭不曰不敢拜賓何也在禮非為後者不敢拜賓子姓且然況兄弟乎諸臣在他國及君之喪未至子未反而賓臨焉疑可以拜故著之也

天子諸侯之喪斬衰者奠皆異姓也同姓不與焉衆主人是也大夫齊衰者奠其臣斬衰者不足然後取

焉

下文天子諸侯之喪奠不斬衰者不與大夫齊衰者與故知其臣斬衰者不足然後取焉

士則

朋友奠不足取於兄弟大功以下者不使親者執事以間其哀上下所同也士取於疏者而大夫則取於親者何也執事者皆斬衰而以輕服間焉不稱也取於兄弟大功以下者明父之行不與也

絕族無移服故出妻之子於外祖父母無服況異父之兄弟乎公叔木狄儀之問游夏二子之答記者之失其傳爾

樂正子春之母死五日不食而自悔其不情何也不
及乎禮不可不自強也過禮而強之則本心為之變
易矣曾子執親之喪水漿不入於口者七日而不聞
有悔者順其自然而無容心焉耳

有殯聞遠兄弟之喪雖總必往非兄弟雖鄰不往子
張死曾子有母之喪齊衰而往哭之何也孔子之喪
門人祥禫而後歸德之成義足以並所生道之合可
以當同氣故曰禮雖先王未之有可以義起也

古者過期而不葬則主喪者服不除故葬必服其初服也後世葬無期釋服而從吉久矣而葬乃返其初服非即遠而輕之義也周官之法不樹者無槨不續者不衰所以使內痛於心而外怍於人也免喪而後葬者著之令無改於常服有故焉使得從改葬之服可也

重喪未除而遭輕喪其服之有兼也兼其輕者不兼其重者蓋輕者可包而重者不可二也

斬衰之喪既虞卒哭遭齊

衰之喪輕者

包重者特易其輕者不易其重者可易者以其痛

之新不易者以其義之重也

如前喪既虞卒哭受麻以葛以後喪之麻帶易

前喪之葛帶而首仍前喪之葛經

麻有可以變葛者其恩本重也

大功

以上之麻

有不可以變葛者其恩本輕也

小功以下之麻以易

葛而麻終仍反前喪之葛

期大功卒哭以後則經期大功之經仍反練之故葛

帶

皆所以衡時義而達人情之實也

卒哭曰成事是日也以吉祭易喪祭何謂也三虞卒

哭祝辭曰哀薦成事明日而祔虞之後不聞更有卒

哭之祭也以吉祭易喪祭謂以末虞之吉祭易初虞

再虞之喪祭爾

鄭氏據雜記上大夫虞以少牢卒哭成事祔皆太牢謂三虞後更有卒哭

之祭非也禮於虞祔多連舉以卒哭為虞之一舉虞可包卒哭也間有虞卒哭並舉者亦不害末虞為卒哭也即以雜記之文言之安見非以末虞為卒哭而易牲以祭如士遣奠之以少牢哉

如三年之喪則既顙其練祥皆行何謂也前後喪皆

三年然後祭可補也

餘喪有主者則彼自及時而行練祥即此人為主既顙後亦不

得追舉知然者上言除服兼諸父昆弟而此獨舉三年之喪以別之也

祭與除服事聯

而義不相蒙小記曰期而祭禮也期而除喪道也祭

不為除喪也故合行者其常也遭變則廢舉各以義

起有君喪服則私服不得除而練祥可追舉君之喪

服除而後殷祭是也

詳見曾子問

並私服則服皆得除而

祭惟重喪可追舉此記是也

祥主人之除也於夕為期朝服祥因其故服是

祭之前夕已除前服故知除服與祭各為一事也注既顙虞後山陰陸氏以為禫後皆未安禫則後喪大祥俱畢然後補前喪練祭則過緩虞後則後喪甫三月餘而飲福衣朝服可乎禮文殘缺未知以顙代葛何據然以義揆之當為練後蓋既練則後喪大祥亦近矣雖暫服前喪大祥之服無害也

大功之末可以冠子可以嫁子父小功之末可以冠

子可以嫁子可以娶婦已雖小功既卒哭可以冠取妻下殤之小功則不可此就父言父就子言子也大功小功之服有無輕重父與子不可得而同父可冠子取婦而子不可冠取妻不得冠取也已可冠取妻而父不可冠子取婦不得冠取也

以喪冠者雖三年之喪可也而小功乃以卒哭為期何也用此知喪冠之禮不及於小功也大功以上其情戚而為期遠故因喪服而冠小功總麻則俟焉而

用吉可知矣人情之實也

與曾子問不合此
所傳或異代之禮

妻視叔父母姑姊妹視兄弟長中下殤視成人姑姊妹之服輕於兄弟殤服降于成人而哀情則一也世叔父母之哀情有間矣而況妻乎謂宜一視者為厚於妻子而薄於世叔父母者言之爾

大夫士父母之喪既練而歸朔日忌日則歸哭於宗室君之喪邑宰之士既練而歸朝廷之士與大夫同次公館以終喪況子之於父母而可以適庶別乎女


子已嫁喪父母既練而歸子於父母而同於女子之
已嫁乎既練居堊室非時見乎母不入門况反其私
室與

大夫士將與祭於公既視濯而父母死則猶是與祭
也次於異宮既祭釋服出宮門外哭而歸其他如奔
喪之禮如未視濯則使人告告者反而後哭祭必齋
齋者齋不齋以致其齋者也父母死使次於異宮而
禁其哭踊哀痛中迫尚能齋一以交於神明乎周官

凡禮事大宗伯掌之小宗伯佐之肆師又佐之所以
代匱而備喪疾也況百執事所共無常而不可攝乎
下以拂人之情而上以瀆神之祀先王之典禮必無
是也

士大夫不得祔於諸侯祔於諸祖父之為士大夫者
祔廟者告新主之將入也祔而各立廟於其家則安
用告若奉主以入諸祖父之廟是無故而祧人之祖
也其孫之當祔者又將安祔乎

公子祔於公子公子有宗道以收族爾羣公子死其
子各立廟而祭之以為小宗謂宜祔於祖之兄弟妾
也



五禮通考卷二百六十二